



05348

啟者此編僅據子儀孝廉見
付之本粗為排次原本移寫
既頗艸率倉卒付彫體例亦
未盡一伏覲

海內與侍郎交舊讀此集有

校出遺篇缺題謔字者不惜

郵函相告

或寄示祁淳甫尚書
何子貞太史皆可

以備

重事釐定俾成足本無任跂
切之至

平定張穆謹啟

道光二十五年十二月刻工竟
版存登喜齋

程侍郎遺集初編序

先大父宰歙徧交其邑之名儒而戶部侍郎春海程公之考蘭翹學士以僮子從父後肄業斗山亭特爲大父賞拔學士家極寒大父召入署躬督教之衣食視諸子不數年諸經注疏皆精熟爲文灌辟精粹試必冠曹舉乾隆丁酉拔貢入成均連掇巍科倬直

內廷聲望斐然顧艱於嗣晚乃誕公公丰儀玉暎父母珍若連城七歲就傳每日讀書不過二時而寒燠晦霾氣候失和皆輟課曹顧厓少宰大父庚寅分校南闈所得士也時官侍講先君子從之遊與學士司邱每抱持程侍郎遺集

序

公問以書不能荅則徧檢輿僻不經之字相詰難蓋好奇不羣幼性爾也比學士卒於山東學政任所

高宗純皇帝特簡歙人之官清要者俾往經紀其喪因以少宰嗣司校事少宰延先君子同往至則爲庀其行篋握公手送之登車年十有一矣已而先君子會試入都見學士舊僕訊以門戶近況則言公子發憤力學入邑庠大被宗師賞異出應試小賦名雋綺麗歎爲絕倫逮乙丑再赴禮部試公亦偕計吏來京師風雅淹博輦下共推爲才子又越七年遂與先君子同舉進士入翰林公嘗贈穆詩曰君祖授我嚴獎誨若子姓君是我同

譜欣契挫其敬蓋實錄云公負奇氣博觀強誦於經訓
史策天象地輿金石書畫壬遁太乙脈經格學莫不窮
極要眇究析發皇之而精神所到卓絕岸異必然可傳
於後者則其有韻詩文也詩初好温李年長學厚則昌
黎山谷兼有其勝又際會清宴無金革流離之事傷其
耳目故形之篇詠者率排冝安帖力健聲宏琅琅乎若
鸞鳳之嘯於穹霄也穆於癸巳之春初侍公直園情好
之洽久愈摯不三五日必召過飲投巾振袂談議交錯
寒士之被禮者殆無與比嘗請公自訂其詩公曰吾詩
險而未夷能飛揚而不能黯淡思力所及者腕每苦其

程侍郎遺集

序

二

不隨更讀書十年殆可相質邪嗚呼孰意所業之遂止
於斯歟丁酉夏穆將歸應鄉試行有日矣公置酒相餞
漏過午拳拳不放別乃穆甫出都門公遽感暑疾久不
瘳祁淳父尙書日往省之沈頓之頃尙以穆試事爲念
遺言乞儀徵相國銘其墓而尙書書之次年穆將南游
迂道入京師哭公公子德威以遺稿相授塗乙潦艸首
尾多不完或篇題殘掇乙酉以前之作竟無一字存疑
公尙有清本藏之別笥德威未檢獲也謀更事搜采成
完秩桂萼未遑而德威又以措交庫款赴粵東卒於劉
仲寅觀察署中觀察名景昌公視學貴州所拔貢生公

歿後所以賙恤其家者有加德威卒命其弟送柩返歙
買山營壙并葬公及金夫人兩世三棺其孤孫嫠婦之
寄寓京師者則祔尙書爲經營擁樹之觀察又議以幼
女妻德威之子而娶其女爲己子婦迎公全家入黔相
依以久嗚呼師恩友誼人有同情當公賓客填咽之時
詎知身後巨卿乃此兩人哉穆幼聞先君子之所以稱
公者長而公之相待略如大父之待其先德知己之感
永永弗諼也今年春尙書謀刻其遺集曰以此爲初編
續有哀錄補梓易耳穆旣恐殘斷之稿并歸薶落又懲
夫嫁名僞譔者之厚誣公也乃偕公門人何編修紹基
程侍郎遺集

序

三

排比爲賦一卷詩四卷又凡稿艸之失題者及詩餘試
帖共爲一卷碑志哀誄駢儷雜著之文五卷總題曰程
侍郎遺集而敘其緣起如此以訓公知兼志余痛云道
光二十有五年端蒙大荒落三月旣望平定張穆序

龍泉寺檢書圖記

附錄

歙縣少司農師程公旣卒之明月儀徵相國師阮公約
同人集龍泉寺檢其遺書先一日基以告於公之孤德
威德威泣而言曰先公於辨論經史六書古義及天文
地志札記最夥詩古文詞亦爲之甚勤顧不自存省其
僅未散失者襍置書篋中往往無首尾題識它日從容

整理稍就次第當乞阮公鑒定今苦由迫促未遑也顧辱公及諸君子存錄之盛心不可以負有戰國策地名考二十卷遂寫粗畢矣德威斬焉衰經不敢躬詣明日將浼宗人鎮北先生持正於阮公同人既集鎮北持書來公披繹久之歎曰疵類有未滌者然旣博且精矣聞尙無副墨本余雖欲爲審訂未忍遽攜持去屬鎮北還於其孤且謂曰諸君其急爲校讐使無遺憾余雖老幸及爲覆眎而弁言以行胡朏明禹貢錐指全謝山地理志稽疑後此其盛業矣並其它著作當成大集司農其可以不朽烏乎京師才士之藪魁儒碩生究樸學能文章者輻湊鱗比日至有聞至於網羅六藝貫弗百家又巍然有聲名位業使天下士歸之如星戴斗如水赴海在於今日惟儀徵及司農兩公而已然儀徵以文章經術受

程侍郎遺集

序

四

三朝殊遇敷歷封圻入躋宰輔儒生勳績彪炳人寰司農繼先公蘭翹學士後兩世入直

書房督學典試頻膺使命

嚮用甫殷迄未足以行其志儀徵公所著研經室集十三經校勘記等書手付劂刷又刻宋本十三經注疏

皇清經解諸巨冊普惠天下學者司農則詩文各種旣

未寫定卽此二十卷成書亦未知付栞何日儀徵公久
得未疾日有歸志承學之士謂京師中儒林祭酒繼儀
徵者惟司農乃司農年不中壽偶櫻溼疾遽歸道山儀
徵公年踰七旬神明不衰且勤勤焉檢其遺書流連而
太息之噫資秉之異學術之大精神意量包涵斟酌之
闕且遠司農視儀徵亦幾如驂之靳矣信屈殊勢豐膏
殊形脩短異數如是其不相侔也豈非天哉豈非天哉
儀徵少年通籍蚤負隆譽由乾隆至道光六十年間海
內覃經講學之儒皆其先後所師友或其門下士或其
再傳弟子司農之起後二十餘年乾隆時老師宿儒未

程侍郎遺集

序

五

及見者已多矣然基久處京師所及交若劉丈申甫潘
丈少白陳丈碩士陳秋舫龔瑟人魏默深陳碩甫江鐵
君徐廉峯管異之陳東之徐君青鄭浣香俞理初羅茗
香汪孟慈陳頌南張彥惟許印林張石州沈子敦黃蓉
石諸君大抵皆兩公所識習而矜賞者也基自爲弟子
員出司農之門及成進士改庶常儀徵公實爲館師兩
公居相鄰基與瑟人孟慈頌南諸君過從游侍軌跡輒
相屬今司農已矣儀徵旣告歸邗上文選一樓如靈光
魯殿因念基所及交諸君者前後數十輩或旣逝且老
其尚未至於此者或浮沈郎署或留滯公車或汎濫江

湖如有箸述早付殺青天時人事茫茫汗汗知誰爲後
死當檢其遺書者哉讀斯圖不禁爲吾師雪涕向天深
悲之而復幸之也道州門人何紹基謹記

程侍郎遺集

序

六

嘉慶九年先生年二十來鄉試江寧始相見讀其詠史詩若干首先君子呼曾亮曰汝見程公子詩乎渠長汝者一歲耳及道光十一年先生來主講鍾山書院相見益親夜過其邢氏寓園月出園中竹石如沐池光盪人面坐水檻中盡讀其所作於別後者而幼聞得名以黃蝶詩及前見者俱不復存矣是時總督陶文毅公政寬簡民吏樂逸多興復湖山寺觀而葆益舟觀察尤好爲主人泛酒船至燕子磯飲絕壁下還過嘉善石壁訪梅花水夾蘿峯飯半山亭聽銅溝水聲循定林寺古道歸

程侍郎遺集

序

七

以爲常先生及曾亮數人皆其座中客也復至京師爲先生戶部屬官遇我一如其舊山館野寺未嘗不偕偶召賓未嘗不與也有所作必見示時命同作然常十不副一而先生則於詞無所窮其稱情輔意足以射聲叩景如高貴者無所志而不就也丁酉夏忽見語曰吾庭中樹鴉數百夜噪而飛拔巢去此何祥也未幾而病呼余與訣余雖悲猶以爲倘不至若是後十餘日竟卒自先生去江寧其同游者任階平王竹嶼汪均之皆已死而觀察亦歸殯京師鞏駙馬之墓側先生往哭甚哀及余與徐蓮峯哭先生去哭觀察時未三四年今蓮峯又

亦久死先生之卒已十年矣悲夫戶部尙書祁公以其
孫幼孤遺集或散佚屬張石州大令編而校之曾亮不
可無一言綴於末也先生平居無時去書其學實事求
是而能創獲新義阮相國何子貞編修及石州已詳言
之故惟述少長離合南北游處之歡以見略勢分而篤
古誼如先生者殆不可多見以誌吾哀至所作深博雄
偉讀者當自得之非言詞所能贊也雖然先生之異乎
流俗者豈獨其詩文哉人嘗屬曾亮以事而匿其情漫
爲請於先生覆書曰吾子而有是言豈某生平有不見
信於深友者乎不然則子受給也其行己情深而義方
程侍郎遺集

序

誥授榮祿大夫戶部右侍郎兼管錢法堂事務春海程公墓志銘

儀徵阮元撰

壽陽祁騫藻書

公諱恩澤字雲芬號春海程氏東晉時有爲新安太守者居篁墩又遷歙南代有隱德曾祖筠祖步矩郡生員父昌期乾隆庚子進士第三人及第上書房行走翰林院侍講學士母項氏總兵樛木女公幼穎異毀齒經傳皆成誦尤好讀古書遇疑意必考問釋然而後快鄉先達曹文敏公金輔之先生皆語學士曰此子逾冠所程侍郎遺集墓志

登喜齋

學不可量矣乾隆六十年學士卒於山東學政任公甫十一歲哀毀力學及長補學生員益博綜經史從外祖學騎射能挽強弓最後乃從凌仲子先生遊及其間與先生曰天人並至博而能精將來所成者大也嘉慶甲子鄉試中式舉人居京師益勤於學天算地志六書訓詁金石皆精究之辛未會試中式殿試二甲改翰林院庶吉士散館授編修道光元年

命在南書房行走

召諭曰汝父蘭翹先生品學朕昔年最敬汝之聲名朕亦皆知宜更守素行今戶部侍郎祁公騫藻同

召見親聆

聖訓出語同朝皆榮之旋奉

敕校刻 養正書屋集是年充四川正主考二年補春

坊中允校刻

御製詩文初集三年放貴州學政補翰林院侍講轉侍

讀五年補春坊右庶子冬補侍講學士次年調湖南學

政回京

詔充春秋左傳纂修官補國子監祭酒九年項太夫人

卒丁憂歸歛十一年起服入京仍在 南書房行走十

二年以候補祭酒未與考差

程侍郎墓集 墓志

特放廣東正主考十二月

命在上書房行走課惠親王學王敬禮師傅出于至誠

講學爲詩古文書法皆日有進甚相益

上與王論公爲人有和而不同之目十三年

超擢內閣學士兼禮部侍郎冬充文淵閣直閣事十四

年

授工部右侍郎兼管錢法堂十五年會試知貢舉調戶

部右侍郎管錢法堂充 殿試讀卷官閏六月

諭程恩澤部務較繁著無庸在上書房行走十六年復

充 殿試讀卷官十七年充

經筵講官夏受暑醫逾月病愈深遽以七月二十九日
卒明日遺疏入
上嗟嘆悼惜久之

諭曰程恩澤由翰林洊升卿貳前在南書房上書房行
走有年人甚謹飭辨理部務克盡厥職近因感受暑濕
賞假調理方冀速就痊愈益資委任茲聞溘逝殊堪軫
惜伊子程德威著加恩賞給舉人服闋後准其一體會
試公學識超於時俗六藝九流皆好學深思心知其意
本工篆法益孰精漢許氏文字之學官貴州學政時與
布政司吳榮光勸士民育粟蠶其利大行於民又重刻
程侍郎遺集

墓志

三

楚喜齋

岳珂五經以訓士及奉

詔刻春秋左氏傳與祁公共議推本賈服不專守杜氏
一家之學平日好士說士技若已有典試廣東期取實
學之士知曾釗之名必欲得之釗久丁憂公不知也書
榜大失望然所得佳士亦甚多出闈後與學海堂學長
吳蘭修等遊白雲山名士會者數十人有蒲澗賞秋之
圖所著述惟國策地名考二十卷已寫定本其餘多未
成書實不自料其遽折詩文雄深博雅稿亦盈篋其孤
方治喪待錄成卷帙就有學者擇之當成佳集公又多
藏書宋元以來子史雜錄博覽強記金石書畫亦多考

訂苟有叩者必舉以應元入京與公居相近尙以暇相
講習元偶校毛詩有椒其馨椒字訛本是馥字其訛久
在六朝罕可相語者持以示公公獨深會其意謂詩苾
芬孝祀韓詩作馥芬孝祀馥字毛韓兩見形聲不謬於
六書爲加一證公又謂近人治算由九章以通四元可
謂發明絕學而儀器則罕有傳者乃與鄭君復光有修
復古儀器之約又嘗深究開元占經謂道光十五年木
火同度當有火災人驗其言而避之吉地案發因水之
故曹文正問公古有之乎公曰水齧王季墓見棺之前
和呂覽載其事所撰國策地名考如謂孟津在河北非
程侍郎遺集

墓志

四

登喜齋

今孟津縣亦非古河陽縣蒲反非舜都乃衛蒲邑以嘗
入秦仍歸故謂之蒲反諸條皆確不可易公之歿也年
僅五十有三朝野皆悼惜之金夫人以道光元年卒二
年繼娶劉夫人孫一名新寵公於元例稱門人且仲子
先生爲吾友學術相契因爲之志銘曰公之爲人和而
不同厓岸內峻德氣外冲兩世內廷在位靖共聲名
品學守之惟公公學之大啟於凌氏約禮博文實事求
是研究經義及於子史卽以其學望之於士嗚呼天命
限公不祿

帝諭飾終

賞延世篤遺書未定集之可讀我鐫此銘永貞宰木

程侍郎懋集

墓志

五

趙喜齋

程侍郎遺集初編卷一

歙程恩澤春海著

柎賦 并序

澂懷園倉筍齋後土阜有嘉樹三居者過者皆罔識其名予初亦嘗焉繼綜其華實枝葉審諦之定爲北山之柎按柎兩見詩一見周禮一見爾雅屢見山海經詩毛傳云柎櫜也卽用爾雅文疏云葉侶杏而尖白色皮正赤按木皮少正赤者恐是子正赤之訛爲木多曲少直枝葉茂好二月中葉疏華如棟而細蕊正白正名曰萬歲或謂之牛筋或謂之櫜材可爲弓弩幹也郭注雅云侶棣細葉材中車

程侍郎遺集

卷一

一
登喜齋

輞關西呼柎子一名土樞其注山海經從同同說文作

柎別有櫜乃柎也

三輔黃圖曰枌詣晉宮闕名曰萬年樹太平御覽

同皆柎也而本草經及李氏綱目不載豈以其非藥味

歟廣雅埤雅爾雅翼亦不載審此柎非難識之物自三代以來書屢見則無古今之異西都南都皆賦之則無南北之殊然自宋以後著錄漸少豈非顯隱有時人與物忽不相值耶遂作賦曰

有物於此蔭於堂背其枝羽喬而句其榮鈇析以碎曼理文身若錯繪綺而被繪畫也子有稜而方一裹一縣四核一房生青纍纍孰赤煌煌將零拆苞若蓋重囊臣

愚不識敢詢圃場或僂言於側曰此夫藹伯棟而素纖者歟葉侶杏而益鐵者歟萬歲之名聞者頌者所意忤者歟共汲之山華林之園榜詣之宮周秦漢以來所具瞻者歟或操車輞致遠而利往或奠弓幹揚武而捍患知則不相尋於斧登外多曲而委蛇棍剛柔而積中願託根於魁父之邱思指名之洵洵故夫梓以爲羣棣以爲爻樞以爲偶聞諸北山樵者之口夫是之謂枉也

南邨耦耕圖賦

并序

鄧子湘皋與其兄子振顯鵬齊名友愛至篤子振不欲

程侍郎遺集

卷一

二

楚喜齋

其弟爲知縣畫聽雨圖以寄蓋取坡公慎勿苦戀高官職詩意湘皋亦作耦耕圖以見志乃爲賦之其詞曰

客飢阻以旅餐兮干通侯而東南瞻污萊而不歸兮又
轍道乎長安資嫵髫而索納兮還髡徒而阻之思孟晉
以迨羣兮或差誰而取之出卽脫乎簿尉兮又奚棄乎
令長視已事以志墨兮定物遂而民向文豹欲潔其羽
毛兮宣鵠亦厲其高響安能以身之察察兮試紫水之
滄泱惆悵而私自憐兮委銀艾若泥塗吾將老於耕墾
兮吾將息乎詩書矧吾仲之清羸兮託長鑱以爲命考
豐年之瓦盆兮有倡于而無和聽天屬旣畀予有兄兮

獨奈何其舍旃前曜靈已虛擲兮後俄景其益遒累別
緒而成疾兮況家紛之怵離予不從仲以歌舞兮仲日
邁其難支朝三圭而夕萬鍾兮予不以易此耽樂也丹
吾轂而覆公餗兮予又安知其以市惡也莽無垠兮天
宇倏鴛鴦兮來下仲有書兮促歸感淮雨兮資之澣圖
蒼茫兮雨浪浪書不盡言兮圖之詳季發緘以嗚噓兮
探予心而鑄辭緬舊盟於合耜兮夢已接乎東藩乞丹
青以抒懷兮聚伯亞於冷風之圻仲發緘亦當嗚噓兮
胡與予心若相期系曰季才俊兮迺慎進兮仲知命兮
季益信兮返井通兮耦兩翁兮在南邨之宮兮

程侍郎遺集

卷一

三

登喜齋

六義賦居一賦

以宣德抒情炳
焉三代爲韻

賦者鋪也鋪采摛文體理聯翩詩有六義二以賦詮不
歌而頌釋之於元宴古詩之流解之於孟堅登高九能
得其一歷樞五際含其全慮質言之無文故儷色以相
宣其在唐姚之世覆燾明德頌聲並作皋夔在側無風
可采無雅可飭無以比星雲無以興作息取懷而與賦
之彌力周有太師六詩是序篇之異體貴乎綱文之異
辭主乎緒宣聖合之延陵未能分張逸敏之通德莫能
舉紀其篇什得詩人之制度導其性情悟詩人之機杼
總四始而兼包恒意悅而情抒且夫方貌擬心若拒若

迎環譬託諷橫生側生興隱於比故述傳正其名比隱於賦故諸篇揭其精莫多於賦附物以切情莫顯於賦抗辭以揚聲如彼絢采喜素功之獨成如彼合樂許黃宮之特鳴附庸於詩拓疆以逞濫觴於騷導源以永其心也包宇宙而恢宏其質也轡龍虎而彪炳荀况蔚爲詞宗禮智於焉似續宋玉乎乎麗則風釣幾於斥屏研京與都主文以譎諫薦雄似如陳誼而猛省是故存周後之十家刪秦雜之九篇圭陰七子之骨江左六朝之妍其間方聞之士綴學之賢稔歷太沖之十讀過桓譚之千謝莞爾而雕蟲工形似而削鳶必其思風言泉悉

程侍郎遺集

卷一

四

登喜齋

無邪之旨禽族草區補多識之編求之古人蓋亦罕焉故夫賦之做勸百而諷一賦之源牽兩而掣三必比類以興物斯言腴而味醞罕譬倫品之繁則命意也銳託志風雲之會則屬思也潭美德容於三頌紀王化於二南大雅之音不吳不敖小雅之音如怨如悵樂心在周得詞伯而可誦香草在楚合童蒙而共探緯以纂組飾以鉛黛貫以明珠節以雜佩結想涉於義文託體尊於恒岱旣上薄而下該遂承流而津逮博趣於申公魯齊探妙於韓嬰外內稽之周室攷之漢代是則擷六義之精而傳其美愛者也

律中夾鍾賦

天杓攜卯氣自卯出三微始卯陽達陰室自下上上氣
迺遂律明堂曠朗鈎房密粟天發其聲神洩其吉受以
夾鍾能事乃畢蒼帝行德儀彼青鳳環顧四隙殊未通
洞黃宮旣萌旅牙旣衆奏地達物其奈凝凍承以夾鍾
微氣胥貢灰飛神穀卯氣之中圓銅范乾橋衡倒插五
一而生四九而乏以數準氣氣入我法緹室度几圍於
个夾位卯豈卯隨應而洽高高大火地歎天欲時乃種
莢芣荈孚甲祀天之宮冠以夾鍾尊王首春其聲逢逢
靈府好生如天之容藩決不羸速於蟄龍周長夷則時

程侍郎遺集

卷一

五

登喜齋

雨旣雨羽乃生角二間攸度羽旣動角甘澍如注木杓
以茂歲乃大穫是謂星德佐助宣布八舉三政一時畢
賦惟春之中水火更故瞻雲預知曰十宮數

弓調而後求勅賦

以士愿慤而後
求智能爲韻

建更八出賦

緬睽威之始作仰南弧而得指情性秉諸柘櫬血氣資
乎觴兕合之以九七五之規服之以上中下之士旣輕
迅而慄悍恒紆角而戾理良工憫之披曲導觝匡軼以
正淵畏不頓定大圍於三尺引千鈞於一寸內通犀以
樹質外荆麋以積健穹然可藏昭然可獻勅出於調命
中以愿考之弓人厥惟成憲則有赤黑揚聲之餘青白

豐末之角筋小簡而能伸漆大和而無澇朱昔之膠旣
陳水凍之絲亦濯菑栗條其斲摯纏約侔乎疏數材美
巧和含貞抱慤被絃春和奠豐冬朔故夫一石之榦擐
物以垂加以戴牛二石而奇被以剽獸三石不辭燥濕
旣平宛應相隨若析斲之不均與過劑其安危則將措
其角而瞻其筋恒有力而反而若夫蹙剗之材激矢以
走體敵而句獨至無取孺無贏以致遠引無傷以洞厚
榦再液方敵角之疆筋三侔方正榦之揉若逆撓而終
繼與負弦而掣肘則雖薄其敵而長其淵勢欲前而轉
後九和之弓剛柔是求弓亦不剛手亦不柔臂與簫違
程侍郎遺集

卷一

六

登喜齋

而菱解盡其絨指與把合而側骨極其適宜其動若靈
驚靜若蛇修皎若月圓張若水流昔有采翹泰岱之阿
三觀陰陽而後竭其智放矢西霜之山飲羽石梁而後
謀其利此其人皆藝成於道精留於器始於搏圓終於
猛鷲蹲金甲而皆穿豈鐵室之可避故觀於繁弱鉅黍
必竹秘之所緬蘭薰雪白必忠信之所增儒者佩弦與
韋如木從繩修身弓以自警射已鵠而上升合四時於
六材收百行於九能是故以弓求之古之王弧以射求
之古之蠶蠲以士求之豈非古之顏曾哉

月中桂賦

以月裏仙
親手植爲韻

桂花氤氳滿天闕東海聞香西海沒誰家露苑生好風
一夕珊珊入明月月既沈兮又起桂長生兮不死刻瑤
葉兮樛枝綴黃花兮赤裏宛虹雙楯闌白肪兩階彫銀
蝓抱綺根元兔銜瓊蕊葉葉枝枝自相覆花南花北皆
秋水憶素娥於昔年渺乘鸞而上仙安二八之冰輪張
四五之明珥有金如粟有玉如煙有子如珠有露如泉
悵春妍之莫當倚秋樹而自憐秋芳不及春仙子可如
人翰弱才勝腕枝卑慣等身濃熏含鳳喙柔苔結鯉鱗
影婆娑以互締陰窅窳而相親昔聞夜夜璧輪滿今見
朝朝瓊樹新霓羽宮商月中有豔錦翻林舞垂手羌獨
程侍郎遺集

卷一

七

覓喜齋

立兮高寒若有人兮寡偶錯金翠兮藏明翦雲霞兮入
牖頌日月圓兮月仄桂蒼蒼兮不改色桂苑兮桂枯月
娟娟兮去雕飾人閒習見桂花黃都道天邊桂花黑孤
芳冷豔持贈誰多謝靈修日灌漑

金蓮花燭賦

令狐子直當大中之時爲承旨之職翰林殊寵承旨尤
貴是時三內皆置院然宏孝以後恒御大明之宮則內
相之居必在銀臺之門矣蓮燭乍徹院吏咸驚美矣哉
後世若晁文元蘇子瞻者庶幾昉焉懿夫玉李全低桂
波初浸銀獸虛巖金徒轉沈帝梧黹以雲布宮槐炕以

森蔭荃宰刺閨之時蘭宵視草之任斯時九微龍與三
條鳳沁中涓無蠟紙之燒詞客罷鐙檠之吟則有寶炬
華蓮出自絳霄清禁灼象口以吹虹絳金衣而赤中肪
凝素豹玉削青蟲丹蕉外捲綠桂心通珍麩淬粉哆葉
承銅帶芍藥以腰黃倒芙蓉而掌紅夜永則房房墜露
天高則朵朵消風名曰嶽井之蓮是謂燧林之燭長明
豹尾之前雙倚螭頭之曲秉紫袖以歲蕤照青蒲而藻
縟枝枝聯鳳啄之珠寸寸警雞鳴之玉天上齊傳人間
忽引驚霆碾路飛龍接軫誅蕩闖開紆迴畱盡未聞清
蹕祇傳天敕四照璣圓當懷月吳擎出大明之南平看
程侍郎遺集

卷一

八

登喜齋

宣政之北斜通史館之旁暗度宏文之側省中之池鳳
將棲門下之臺鸞已息乞聞蘭火之芬驚見秀華之飮
始知文昌與帝座聯暉太乙共長庚齊色於是彩樹轉
珠珊鞭鞞鞞環屏雙啟院鈴才動梁燕猜明宮鶯警夢
影過花迷陰移柳送暑暖冰融博虛響衆鬥意蕊之晨
扳耿鑱窗之務閒怯丹蛾之春瘦憐火鳳之宵還注阮
膏而灑灑雜蜃液以潛潛香屑玉皇之案寶裝才子之
山莫不珠飛細碎花拆連環銀黃兩豔荷紫雙頰碧落
則星榆白白紅牆則錦樹斑斑爾迺寶燄干霄餘光掣
電宮香在衣清露如霏燭龍迴棹木之標金雀轉觚棂

之面歷歷聞鐘沈沈閉院翦雨當窗刻詩臨硯想地炬
之盛儀偉火城之隆奪何時東壁之餘明來自南薰之

別殿

雪夜入蔡州賦

以相公新破
蔡州回爲韻

蔡爲唐心脊之疾距東都六百里而強與鎮州曹鄴兩
節度地遠而勢相望其土曠而堅其民悍而伉其用贏
子之軍其據縣壺之壯自希烈訖元濟三十年于茲官
軍未嘗抵城下而與之抗一旦愬來愬來逞胸中之甲
仗攻之于九地之下九天之上疏其山河子弟而噢休
其降將始則奪文成度興橋銜枚篝火諸將請所向繼

程侍郎遺集

卷一

九

登喜齋

則東行六十里至張柴秣蓐而供張七十里至粟渚裂
裘而裹纊軍中知有常侍幾不知諸鎮與丞相矣于是
伏飛肉飛具迺梯衝亂起鴨鶩雜以雨風大雪若席揣
封太空銀虬踏波倒歎玉虹組練千百若茶若蓬三軍
之首盡白萬里之燧不紅士曰李公撫我若春融不知
有冰棱而轉覺絮蒙是不在蔡人意計之中方將酣酒
覆貂行賞錄功常侍伊何胡然入我宮方倚董重質爲
長城而一羽之書一言之諾遂解甲而來同諸鎮有勇
有怯有杜有攻方觀望巨鼉張孳設置豈知龍伯遠蹠
已釣之于滄溟之東兵刃不殷帥鼓未霽獲其元戎易

于撥麴宜傳石梁之箭宜挂扶桑之弓宜藏太室之名
宜繪陵煙之崇而夫已曰是役也裴公不出督師則
諸將不濟激水之津不去中監則諸將無鬥志而甲卒
怒嗔不用韓宏爲坐鎮則王李二帥角鬚鬢而齒斷斷
烏公李公國之純臣五伐七伐一甄兩甄銀盃誓師韞
刀告身李文通拔斂山殷城鬪光州之脣李道古出穆
陵之關克申州而薄重闔是皆戰有前死之名鋒有無
窮之新坐禠虎豹之皮飛截龍虬之鱗彼李愬者雖成
大功而實因人解之者曰容固未揣夫兵家形家之言
也夫蔡州者尙門難制韓地伊大爰有郟陂之沃鵠歌
程侍郎遺集

卷一

十

登喜齋

之作棠谿之銳龍泉之磋激水帶洄曲之阻信陽枕三
關而臥申之以檜柅之險加之以熊羆之佐是故築沱
口之城善戰如光顏而幾爲之挫入申州之郭奮武如
道古而莫或之破蔡人一呼羣虺相和先聲之來賁育
胥情然而李常侍者以一旅之師奪萬夫之旆得秀琳
得李祐而後扼張柴之害斷洄曲斷朗山而後拒如林
之澹恃其威信義勇激厲萃會故翹關超距之倫置死
地而後生各騰驤而沛艾斯時昏昏在中觥觥在外兩
不相聞皆不知何地何年而定強蔡嗟乎平淮西者度
之謀也入蔡州者愬之籌也愬不得度無以分洄曲之

憂度不得愬無以操采入之予昔阿童之渡江尙表異
子石頭矧陰平之出卒實士載之鑿幽嘉常侍之良圖
謂公侯其好仇故前史之文涑水之筆皆大書李愬之
入蔡州若昌黎之製碑寫平淮之壯猷固當首舉裴公
者定遏劉蕭規第一房謀最優然且詳述愬功諸將罕
儔若夫磨日月之寶光置雕蟲之末流則騰于彼婦之
口轉致貽文昌之羞是不善讀韓碑者之爲之也若持
此以謗愬功是何異行人之得牛故觀其沈幾英斷飛
行化裁效韋虎之讓功異廉頗之牙欵士之歸也若父
若兄軍之捷也如霆如雷爰金甲而拜尊負弩矢而趨
程侍郎遺集

卷一

七

賀喜齋

陪使蔡人知上下之分登裴公于上將之臺回思敗朗
山而不憂勝吳房而不摧雪虐風饗地素天體不戮一
人不翦一材卒能唾手探丸成績而回是日也趨場屯
谿子之衆獨柳待藁街之魁晴旭卷旂常之巔長劔劃
激汝之洄蔡之人壺士一城皇之人篋膠萬杯皆以手
加額而言曰蒼生待命三十年矣今始見李常侍之來

羅浮蝶賦

借刻黃玉衡

博羅之南羅浮之山合沓迤邐嶽峯嶄崑錦石萃其隈
玉水流其間雲葉振汗衣螺翠結其鬢爰有仙關飛宇
瑤局瓊窟赤花如日碧花如月靈嫗花胚彘植花骨是

生異胥惟山之厥爾乃非孔非翠非綺非組珠壓玉垂
之腰銀泥金錯之羽六銖鳳子之衣十色鴛雛之杼翦
綵則冰條忽豔濯錦則江波如舞斂立若隻張舉若雙
帶後綺交須前玉攢疊紫脂印重齡粉腔宿露不禁受
風欲降出花兮熒熒入花兮冥冥乍合隊兮童童忽孤
翥兮星星則有羊城麗姬龍戶珠人酋以白藤之潔飼
以黃葵之新承以綠瓊之鈎覆以霧綃之巾任因依于
中闔絕慕思于比鄰至若嶺嶠間關飄零阻難悵淮南
之木落怯越北之春寒桂無金而盡死桐謝鳳而香殘
遂乃纏綿夜脫殼穀朝看棚幪繡幙匝雕闌懼嬰倪
程侍郎遺集

卷一

三

冠喜齋

之竿木避嬋娟之綺紈弄文采之輝輝觸羅網之漫漫
與羈人而蓬轉共秋女而淚彈然而雄雌一去意感千
里御風而行抱香而止幻罔兩以作身遇雲將而成體
終遁虛于夢中不委蛻于籠底當紅棉之開日值素柰
之發時入桃榔之舊苑過蠓蠅之新埤喜仙衣之乍被
憐錦裳之對施指華首以爲宮劃紫澗以爲池任奮迅
之所如伊誰得而羈之

槃圓孟方賦

以天施地生其
益无方爲韻

散館一等三名

伊苟況之譬道言符應之自然旣疊矩以重規亦體方
而鏡圓其樞在水遂漸被乎垓埏其解在水遂充溢乎

地天若以爲君者器也以有定準無定而宙合範其全
民者水也以順行入紆行而真宰斡其旋惟槃盂之賦
形固象坤而法乾原夫古皇之制作也先陶旅之搏埴
後雕幾之措施以金爲質而寒暑燥溼不改其節以玉
爲理而圭稜肉好各得其宜品儕于魯壺紀獻珍比于
龍勺雞彝其大用則申盟歆以昭盛典其小用則捧盥
櫛以昭少儀惟此器之抱式必思所以實之乃有人焉
辨端倪于造化管生成于天地知夫圓徑一而周三方
徑一而币四方者取以立制圓者取以行智日月炳乎
空親上者圓而神井疆畫於野親下者方其義圓顯方
程侍郎遺集

卷一

七

聖喜齋

趾各受中以全生圓冠方屨亦取物而爲類惟遇器而
尙象斯規爲而不易且夫水之爲物也地六以成天一
以生方以擴其流圓以劑其平其圓也以鯢淵麋澤爲
槃而輪旋轂轉盡其勢其方也以壺口龍門爲孟而矩
句磬折滙其盈是則水本具方圓之性而不擇鉅細以
俱程故觀其井華始溢汲綆初垂滿還盞爾情則瀏其
去弧弭與和較正逆防與華離抵玉于山而流還方記
沈珠于淵而源向圓隨旣不決于西東乃成遂其經畫
或捧器而盪清亦望而而傾白方以比行旣如璋而如
圭圓以觀德亦如琮而如璧彼宥坐者取諸敲而盈缶

者利用益昔者湯聖日躋則文其辭武成踐阼則垂乃
謨惟沐浴于醴粃斯福應而咎无民之歸也如激箭之
躍金壺民之止也若流丸之抵甌與故能渾鑿柄于環
橐握大中于斗樞惟上之行旣彙曲而括正斯下之應
若獻爵而酬觚我
皇上理符心架道協謨觴仰
聖政之彌隆知
聖學之日光登斯民于軌則咸歸極于康莊時圓而圓
時方而方夫乃知不器者道之體從善者性之常將比
戶而可封亦表其受範之良而已也

程侍郎遺集

卷一

十四

覽喜齋

河出榮光賦

以題爲韻
借刻趙光祿

陶唐氏天珍在握地脈通和有龍銜甲有鳳巢阿當丹
陵之紀瑞正黃水之盈科引度懷陰潤物被無涯之澤
求年進福導川賡有黯之歌布青幕于三壇雲將展敬
湛朱絲之二穀海若恬波多帳初臨盼龍門之截薛彤
車未渡望砥柱以嵯峩翠氣摩天已送如萍之日金塵
糝地全收如帶之河依然紉縵之華昭昭且復遠矣淵
涓之勢浩浩星羅爾其色煥五章氣成三霽揚舠未極
蕭索輪困弭節而歸蒲泛沕滴赤螭跋舞餐餘建木之
霞蒼兕沉浮呼出搏桑之日佇想珠宮貝闕幻瀛女以

成樓依稀翠葆金支逐馮夷而鼓瑟受芝泥與玉牘絲
圖輝委宛之編沈元貉與黃狐丹采耀支祁之室淄盤
九曲藏寶霧於句陳瓴建三門散靈氛于太乙夾岸折
琉璃之幪壺口濤回連峯浮菡萏之花華山掌出其源
也索昆侖于雪嶺考積石于金城賀卜比星辰之燦巴
顏揭日月而行阿拉坦有黃金之號噶達素有北極之
名指白海以如瓜望氣者徑三百里覩紫山而似玦占
休者度一干程彼洶澤之重源潛流電激及于闐之二
派積潦沙鳴由蔥嶺以抵牢蘭之海自驪軒而至鄯善
之營考屯田于元鳳年間功成灌漑稽古瀆于白龍堆

程侍郎遺集

卷一

五

龍喜齋

外力任縱橫惟觀瀾之有術斯遇聖而先清訪天瓢之
舊脈紀帝室之新榮其委也南鬲津而改陸北徒駭而
乘漳一綫注胎簪之派屢遷非碣石之陽獻策已踰乎
賈讓程助遠邁乎許商息竹箭于淇園有雲敷碧靜桃
花于瓠子無漲飛黃集福宣房旣鱗恬而鳥沐明禋斗
野更玉美而菱長觀夕照于青徐無邊脫筭望春風于
淮海不盡飛糧旣安流而順軌旋建祉而臚祥或微徽
而溢目或爛爛而浮光接尾銀潢奪天孫之錦段歸墟
碧海混鼇伯之珠芒於是澄寶鏡而源真治金隄而委
具無設關沈鎖之防有挽索連檣之務西涵濛汜登壇

受亥旣之珍東塞岫鏡擊汰入庚靈之渡

聖天子紺葢修虔元圭錫祚禹甸澄清堯雲布濩抗八
眉而論德松梁騰赤岸之雲逢五老以呈圖棗野煥丹
霄之霧莫息壤之田疇罷吾山之草樹如川
帝壽願呈光被之書若礪侯封還獻河平之賦

一官一集賦

以詩名官職看雙好爲韻
借刻趙光祿

簡穆之裔人工屬詞養也早慧颺於上擢景倩似矣仲
宣期之爰有勺約之賦閣齋之詩縟蠟鳳之舊采訂雌
霓之新知起家郎署厯官度支霞上天而光赭珠出浦
而華滋步雲除而緩緩編蘭檢以遲遲普通大通之間

程侍郎遺集

卷一

七

登喜齋

海寓甯清選樓飛葢元圃吹笙擢爲先馮之職聿著雕
龍之名東陽沈侯南鄰劉生帆擊共繡鐙瓊同聲旣遷
中書乃別昭明螭頭清秘鳳尾縱橫青鏤選管紫荷接
纓上觚稜而端牘入瑣闥而飛英依烏列屋銓曹一官
玉山朗澈水鏡高寒宵營虎爪書領鵷翰庶子風流實
采華殫佐史寅恭墨縮銅刊裁成錦段脫盡金丸臨海
非遙一麾往觀餐雲玉峴之表行藥槽溪之干鳥歸林
而避影泉觸石而妨冠括蒼以南赤城以北吟老花紅
題多蘚黑人誦長官之詩身忘司牧之職旣登少府來
歸王國尙書之臺地官是飭鈎稽水衡葢藏庾億亦有

高吟不遑退食昔插羽於淵蛸實雕蟲而篆刻今曳履於層霄更傾壺而灑墨斯人也使其沈淪草澤落冥林巒悅志嵩少遊心涓磻一詠一觴一樵一竿則將連章綴苴累帙紉蘭或襲烏衣之世蔭極蟬冕於台端九遷而至八翼而搏年未荀羨品踰謝安茂豐功於彝鼎收盛名於琅玕則將汗牛腰而鬥富指鱗角以同看然而時艱者意懣遇蹇者心降似鮎魚之上竹比螻蝻之緣椿旣含香而粉署還染翰於松窗效蓬心於蒼邱莠棠雨於朱幢祇今寂寂春山沈沈暮江賸斯文之百卷摭愁緒而盈腔舉生涯之瑣尾付韻語之琤琮金貂兩兩程侍郎遺集

卷一

七

堯喜齋

牙管雙雙愴神詞鬱望遠眸瞻豈欲耀才於東觀報最于南邦哉故觀其紀集以官由齷逮老起武皇之天監終簡文之大珣中間簪笏升沈衣裳顛倒鹿去蕉空鴻歸葉掃出不過文翁治郡入不過孔光削草泛宦海之鷗波炫文林之鳳藻風愈轉而愈高花再榮而再槁其集伊珍其官肆好後有作者感其遇而思其人誦其文而憐其抱可也

美人香草賦

以託物起興志潔行芳爲韻借刻趙光祿

泛楚水之云云度湘花之漠漠葉鄂渚而秋飛雁衡陽而隍落斯時瑤瑟雙停荷舟兩泊雲外靈修山中杜若

怨王孫之未歸時不待兮隕蕚惠嬋娟之自來野萋萋
而何託乃有人焉飄搖彷彿揄長袂與蜚織耀諸于與
繡襖擬西等夫宓妃怯洵盤之渾波將南從夫有娥悵
玉筐之未拂彼縵綸之三姚又理弱而辭詘徂清夜兮
迢遙抱幽懷兮沈苑羌無意于蹇修聊寄情于庶物則
有紫蕙丹蓀青籬白芷漚鬱淑郁紛溶綺靡紅壁沙版
之間翠翹曲瓊之底搏之爲枕函結之爲珮藥或茸葢
於清波或紉裳於中沚呼龍象而耕烟喜芝田之脈起
衣乍染而三年履才霑而十里若乃時及熙春霏英未
定綿羽在樹晴絲橫徑裛重露以拖藍醮柔烟而弄靛
程侍郎遺集

卷一

七

登喜齋

來此豸之吳姪召嬈娟之楚腰柳校含黛之眉梅貼勻
黃之題水靜妝明風多步疑逐蝶緣隄尋釵俯磴貽椒
申視爾之思贈勺動將離之興羣宜笑而含睇藉芳菲
以通志思連臂以踏春願回車而拾翠何谷一叢何人
一穗葉葉緘情花花締媚疑金鼻之抱熏似么鳳之竊
翅常依垂燕之髻永襲驚鸞之帔及其微霜旣零野燎
初歎匪艾匪蕭誰采誰擷逐秋蒂之翻風共孤蓬之卷
雪見暮雀之妝莖任寒蛩之齧節偏近紅閨還依繡閣
朝憐黎厲之稀夕覺脂山之缺鬢冉冉而懸絲粉星星
而滅潔忽漫登樓相將掩鏡金螯苔生銀除水迸彼綠

轉而黃回懼芝蘭之改性此袖薄而天寒卻明珠之致
聘倚修竹而言愁指長松而北行空流盼於蘅蕪憶當
年之華盛君子觀於棲枯集苑之趣爭妍競寵之場將
棄蕉萃以招姬姜將進蘼蕪以退蛇牀收百和而盈室
畫雙蛾而鬥長託芙蓉以爲媒恐鴉鳩之不芳昔三閭
之賦詩心容與而相羊遏氛氲兮上馳抱明月兮何嘗
折芳馨兮遺所思望美人兮天一方

應製詩與臨晉太叔發序
制元夕觀燈賦

并序

皇上御寓之三年乘震執規以順陽和大舉禮樂之盛

程侍郎遺集

卷一

九

登喜齋

儀凡所以聯上下之意協臣民之慶莫不賅備而元夕
設燈樹陳百戲焜耀於

禁禦得與觀者尤所榮幸

小臣

橐筆侍從銜

恩飲膏日浹月深茲復趨陪於圭組金紫之采延頸跂
踵快心眙目沃穆歡咳不知所云承
命授簡用賦斯事小文末學無以闡述惟就賓主問答
之辭以張中外同樂隆平邳治之景象云爾謹拜手稽
首賦曰

擊壤老人曝榮而嬰撫塵而遊方春令節上元將娛乎
駢坐之肆與冠蓋之州觀金支之華秀覽百戲之夥侈

迺敏於青藜丈人曰恭聞

聖天子牟盧六合徵召五臆

新政新命照灼丹扆兵銷穀殖海鏡河軌民氣衍衍萬
方送喜於時青陽告辰鶴雲東行萃九寓之樂思以諧
乎陽伯大謠之樂聲東市有銀花之樹西市有金羊之
鐙南市有攢星之樓北市有結綺之棚火戲電礮飛爆
雷騰拖鈎拔河等種走繩魚龍曼延雲霞蔚蒸爾乃明
月照夜助以白雪士女炫服錦車塗籬燦燭琳圃出入
金穴齟鬢黃髮踏歌弭節跡才踵乎閭卷心又馳乎觀
闕聞竹肉而竟逐還燭龍而中輟晶爨木其遞耀鑿秋
程侍郎遺集

卷一

二

登喜齋

毫而未徹故夫周處風土之記宗懷歲時之書綵山珠
幕之麗芳苾蒲桃之殊莫不窮瑰瑋之極形通數宵而
畢臚子大夫照書之暇盍往觀乎青藜丈人乃盱衡而
荅曰上元然鐙權輿於太乙神祠僕相羊於叶蟄倉果
掩層霄而上之嘗以上元之夕獨涉乎石渠天祿見長
樂之繁富殊人世之軌躅子徒胸轉於銅駝金市而未
攀躋夫馭娑宣曲也方今

聖天子坐乎璇題玉英之宮召翼宿使舉樂驅鶉囑而
命黎融盛羽衛之上儀聚五色而宣八風陽景西匿光
在鐙樹彩游表道繡罽雲布擊場空寬橫以桂栢於是

三河健兒脈勇氣怡嗔拳下戲舐頂交頤乳贄門酣威
讐老巖秋千高踞竝歌齊俯人方角技彼且笑語樂聲
啾囉來自朱波佞童冶謠作態媵嬰印度二入繡襦持
斧同工異曲俱解羽舞劉吃施努俛翻反據兩兩拍張
連臂若狙立駿馬於明駝效解數而跳跟走巨綆而燕
輕試木熙而上翔紛字舞之陸離排絳紗而耀光班文
鴛以相顧列翡翠而重行爰乃暮靄彌望圓蟾欲湧列
炬娛夕柈櫨峻聳棍匝以方圓藏頃刻之奇花昂龍
首以領珠散雉尾而成霞神絲千純芝蓋九葩焯芙蓉
於掌中倒珊瑚而槎枒或粲粲若飛星或熠熠若金蛇
程侍郎遺集

卷一

三

登喜齋

或纍纍若編珠或零零若翦紗或穆穰若落英或傑僂
若繫瓜或闕戶而下虹或貫月而成槎絲管并舉細音
穆羽閒以鹽散節以鍾呂火鳳來下頰蚪對處旣薈萃
而成劇倏驚人以風雨列缺迅走如矢脫絃萬雷動地
萬鏡飛天萬燧繞林萬燭照田赤埃之氣蒸於赤泉黝
黝沈沈鬱爲祥烟乃復珍臺別館華炬載更

法駕移蹕丹天炳明旣膏瀾翻蜃液激清惟上穹之需
雲隨所遇而象呈若僕所言十分而未得其一端目可
治而口不能名也且夫有淳耀惇大之德以出納夫火
政而節宣其赫臧於是乎無災燿之虞得改燧之宜陳

火戲之義蓋在斯也我

國家亘宇開拓伊古無偶於是乎具羌歌與蠻舞提鷄婁而曳鳳首示甌脫之雁臣俾奔走而恐後我

國家大武三會人習擊刺於是乎寓兵機於蹙鞞程勇力而相試嘆干城之足用翼綺帛而寵賜又況豐年穰穰紅粟盈倉

天子儉德素風捐珠犀而抵琳琅惟欲治

文母之歡心乃怡豫而愷康澤四海以蓼蕭錫臣鄰以筐筐於是乎值傳柑之嘉時進靈抃於臨光也青藜丈人陳說未畢擊壤老人乃翹首而頌曰侯其禱哉當堯舜之時日月光華星辰爛陳紉纓卿雲或或闕闕持以禁苑之景光與不夜之良辰洵異代而同春也夸於市人異見異聞相與婆娑乎九衢不知東方之旣昕

山梔花圖賦

恩福堂師園中梔子花夏曠未放經秋涉冬花盛繁師有句命澤同作因賦

雪娵娵兮六出蘆薈支掩其媻兮於山之隅其心孔齡兮其房則柝苑兮斂兮夏冉冉兮兩架歉兮長願頷兮嶠兮皚兮蕊穠穠兮秋增枚兮冬茂萋兮唯有美之當

階與衆卉而異芬塊獨得其清逸兮通苑伽之遠聞犯
嚴威而弗瘳傷兮豈恃幕布之輪囷樹本旣其厚兮雖
飲僚而彌新諒不棄遺於君子兮惜堂堂之芳晨際搖
落而采擇兮懼醴醮之就湮亂曰心同而面殊兮知臭
味之無差池詠風露而未央兮將貽夫子所思

程侍郎遺集

卷一

三

龍喜齋

程侍郎遺集初編卷二

詩

橡蘭十詠

並序

黔郡州十三富郡二曰黎平曰遵義黎平以木遵義以繭繭不以桑以橡然非枵於遵義人也乾隆間守陳君實教之於是食繭利凡數十年春秋繭成歌舞祠陳君如生道光三年冬澤試遵義旋過橡林間風策策然葉鱗鱗然記所歷郡皆有橡不以繭今過平越都勻土益沃宜橡因嘆曰處處有橡處處可繭也富獨遵義乎過鎮遠見方伯吳荷

程侍郎遺集

卷二

一
登喜齋

屋先生廉訪宋仁圃先生頒令甲勸民種橡詞懇懇著街亭時夕陽爛如駐馬讀之過思南選校官某讎劄出則方伯廉訪督使巡上下游購橡子教播種期三年成食繭利嗟乎居尊官親民爲謀百世利思深哉可謂君子儒矣黔土瘠黔民勞勞無所獲遂積廢不自振曉之曰利在某不信視某地民遽然顧牆角畦稜有美蔭皆金錢其黠者慮利與害俱且權之曉之曰有百世利無一日稅也則又慮購繭器織具紛然貲未入先貸曉之曰如購種法皆官爲夫民驕子弟也官慈父母也驕乃惰

慈乃周以周起情情乃勉皆可學而能也數歲利
必若遵義富甲西南維矣澤職在文字詠歌之可
乎分題十各繫四十言附長篇一則舊冬作也道
光四年秋九月上漣貴州督學使者程恩澤撰

種樹

橡隨在可植三年枝葉蔚可飼蠶飼後休一年
老則充薪炭新肆出仍飼蠶

種樹三年成三年莫嫌遲今日一九泥它日千絢絲將
絲比薪炭何啻萬倍為黃金在枝頭巧者能取之

窖繭

程侍郎遺集

卷二

二

瓊喜齋

以綫貫秋繭懸密室溫以火蛾出配乃孕不斷
火子易出

窖繭如窖花蛹臥小天裏不知春風來但覺臥欲起雄
雌皆蛾眉生子眇難視一朝能上高萬緒從此始

春放蠶

子既出承以橡枝葉於筐能自上即取枝葉縛
之樹

越孃急蠶食意欲親乳哺黔孃忘蠶功一任飽風露得
繭大於甕不顧越孃妒回頭笑孃婦歌舞博紈素

秋放蠶

春蘭就暖蛾自出配乃孕以絲兩頭繫兩蛾巨
椽樹間卽育子著枝葉

秋蛾似胡蝶置之高樹巔一繩繫兩雌其情不相連出
敲葉漠漠裊絲頭娟娟當其未成時晝夜防未然

敲蠹

害蠶者鳥也蝨也春秋之晝須敲鳥秋夜須敲

蝨蝨野蠶先於柘館故古有爲蠶敲雀之官

鳥曰予口甘豈惜人之寒鳥栖蝨又來蠶乎良獨難畏
響敲以柘避形敲以竿持謝鳥與蝨竝生天地間

移枝

程侍郎遺集

卷二

三

覺喜齋

葉盡蠶未飽翦枝移之它毋驚蠶

葉葉做如絡蠶蠶饑不禁翦枝縛它枝移家綠雲深聲
若驟雨來蕭蕭風一林蠶孃未入山常懷已饑心

煮繭

繭成投熱湯入菽灰汁乃熟乃纈之蛹不能生
也或曰蛹混沌無知故昔人無掇蛹法

功成赴湯火幸在混沌時繭剛可使柔絲斷難重治水
凍渥以灰古法存於斯齊紈不十年越羅風淒其

上機

絲值徒繭稠值倍絲功成矣如積學然

絲值蕤爾值織成金滿屋燈火連晨星伊軋擾夜讀上
充公姥襦下翦兒女服衣郎郎不著願換來春穀

利無筭

橡可衣可食地寶也

橡粉可療饑橡斗可染阜老枝薪且炭新肄復蠶飽一
物備衣食地乃不愛寶黔富甲天下居者殊艸艸曰

永不稅

民趨利避害永不稅乃可與圖始
購種與教織瑣瑣皆官貲焉忍復征權如父謀其兒有
衣耀寒暑有金充棟楣土沃民轉勞民勞勞則思

程侍郎遺集

卷二

四

覓喜齋

橡爾歌

遵義野蠶成繭曰青桐爾不知於古爲何樹也

癸未仲冬行部過長林間葉焦繭割矣掇其實

知爲櫟斗櫟斗之子名橡孫炎云櫟似檇按櫟

與檇迥別不得以爾雅之檇爾當之因字曰橡

爾作橡爾歌

冬十一月來播州撲頭黃葉風颼颼是何嘉卉繁且稠

云此可媿桑之柔美蔭捲綠春油油彌山彌澤彌甌窶

不頰山奴玉斧修無事紅女青挂鉤葉以爲箔枝爲棹

結茆承種懸曲樛蠕蠕子子紛相蹂天教寢食得自由

自起自眠登樹頭暝日出曝雨則僕蝕厥新甲棄厥盾
神叢打鼓小姑求宛窳夫人跪樹歐願生脂屬無生鳩
爲歐花豹歐栗鷗竹柝行晝宵乃休何如彩幡長其旂
娟娟風露春復秋兩番割繭十倍收繭熟圓如金彈投
蛾飛大與胡蝶伴杼聲萬家絲萬抽蠶孃樂逸機孃愁

蠶功逸
絲功勞

流黃縑素充畫樓可憐龍馬不上鞦

蠶與馬同
宮蠶盛則

馬其地乃封千戶侯我來長林采其劉知是櫟斗其實

椽斗可染阜實可洩高士拾之狙公畱不材之木值十

牛卻顧材木齏包羞黔中土瘠民羸豚何不廣植上下

游計其羸羨裨先疇終歲乃無旱澇憂有暉其道夏暘

程侍郎遺集

卷二

五

覓喜齋

廖有依其士絲衣紵積銖銖寸成長裘衣被直徧西南

陬

北湖懷古

松桂林中讀書影忽乘天風北度嶺居郴乃見月三設

聞道猿猱淚如綆

謂陽山之民

李伯康至呼以博張公子來

擁其頸北湖空闊雲破碎十萬秋荷覆春荇可憐壯齒

三十八照見平生已癯瘠時時縱酒助談謔往往篇章

出俄頃不知貶斥塞衢路

謂王伍王叔文輩

但覺又魚滿笮笮

伍文委瑣不足計夢得將至連州境欲向同僚告目見

颶風掀屋蠱聚皿

夢得之貶連州必過郴時公在郴小
欲以目見告夢得故承貞行云云

人竊柄此當議大賢被逐何其猛豈真劉柳語有洩故
遣伍文怒加眚公之貶陽山或以爲議伍文之奸而是
劉柳洩其語於伍文故怒而加貶

時朝宰半庸妄誰謂先生骨獨飄劉顛柳仆愧公直公
以直譴公則幸長懷柳侯赴資邵時子厚詎料劉耶過

蘇井論宮市與論苛斂當時外議殊不省公貶陽山或以爲論宮市

或以爲論苛斂大抵伍文輩忌公藉此爲辭耳要之公心比赤日千里墮地猶

耿耿彼婉變者奮箕口使臺中評不得逞不獨李實苦
相厄更遭使家抑不請公赦歸猶待命於憑愚大笑居

士木乞雨來瞻女郎靚有山奇變水清瀉無乃天公界
以靜豈知它日更遠適瘴海昏昏一舟梗祇今湖水半

程侍郎遺集 卷二 六 韞喜齋

枯涸湖當郴之北門外遺竅猶傳在便屏侍郎竅在今

孔道旁今化爲田便屏永興縣永興

莽曰可耐快俯深澗酌秋冷會侯指我已瀦匯時會刺史銜

水引泉築專祠其上竝駕茆龍植桃杏公神如水無不在想見波

瀾與公永休談二佛九僊地恐公聞之駕以騁

湘中兩番雪歌乙酉臘作

前日送客湘江頭大窗西臨水陸洲嶽麓之雲浩然起
混茫東去一千里中有急雪萬銀鏃一一射入碧波底

斯時曉色青朦朧紅泥寺邊煙樹紅綵旗遙遙逐行客

歸鞍載得十雙璧昨宵寐中聞雨聲瓦溝歷亂跳珠鳴

明鏡生暈鑪燄短漸覺寒柝蹕蹕行北風撼園園折竹
曉來晴絮覆華屋瘦桐小石無奇態我欲衝寒訪湘曲
短衰雙槳噤不發銅斗漁郎唱江淥年來戒飲無酒夢
卻喜墨池激不凍肥羔烹後啜雪茶陶黨無妨一筵共
荒齋土銜註爾雅錦閣貂襜醉文鳳人生何地不能樂
況乃千林散花松側聞西陲雪封山又聞黃河水塞關
津吏蹇菱幾時歇將軍懸甲猶未還老農旣歡土膏沃
安得新晴遣春晝隆蓼鼓中春可憐階前已拆紅梅皴

次嚴麗生同年見贈元韻

楚甸風生軫春城斗轉杓青冥來一鶴丹桂舊同僚學
程侍郎遺集 卷二 七 覺喜齋

揜紛綸井文包邃雅姚霜天五劍立月峭九霞燒異夢
通翰廖前身倚太霄長楊空百賦矮屋困三條冒擲封

侯筆翻吹乞食簫干戈淹蜀碧

君旅蜀久會見教匪之變

風雨敝秦

貂易借將軍馬難求博士輶君平甘隱肆高朕許聯鑣

君曾在蜀中主講

顧我餐岷芋無緣識孟椒占星當有郤焚硯

未逢苗

予使蜀時與君未相遇

倏爾搏沙聚欣然奉檄招鹽車惜

騏驥瓦注辱盧梟玉骨嶙峋轟仙髯颯爽飄蓋傾無待

熟盞煖卽相邀話到夔門峻重懷石棧遙

余入蜀出蜀皆由雲棧未

經三峽故從君問夔門之勝

登堂拜尊宿

時廉訪公就養

驚代讀風謠首遇

揚雲俯情隨伯雪消清奇偏嫵媚高介轉和調游獵談

因管崑崙墮爲超承明棄嚴助葉縣得王喬下走儕幽
介中年感舊要卷書頻旅館聽鼓儼僧寮客厭雙弓米
親警數斗焦黔湘慚刻楮寒暑倦乘躋遂枉珠璣餉如
看虎豹跳氣吞雲澤月聲帶海門潮君丹徒人欲覓彈冠友
先尋拔俗標引商難荅和聃柱歎微么

訂交詩贈鄧湘皋同年學博

同譜偶然耳對面不相識神交共千里何況几席側早
春造我闈秀眸映火色警詞接輓語握手出胸臆詩名
三十載山海溢殘墨傾倒公諸侯操卷面向北如何賦
窮鳥屢鍛垂天翼古有通榜法原以網奇特使君不奏

程侍郎遺集

卷二

八

登喜齋

牘寸管孰華國誰知高蹈心兼不受吏職苟有田可墾
亦弗苜蓿食我聞師儒官以道以賢得士乃天下本學
用三代式此地里屈宋豈乏走籍湜徒以利祿誘詩禮
亦作賊壇宇倘能闢來者踵相陟我呼我友助俯仰愧
所植我友昌於道其道去華飾詩文道之餘實具龍象
力文得歐蘇正詩欲杜韓逼萬卷紛在眼萬卷付銷蝕
何必擬前古要自道惴惴我意從同同三歎轉默默我
別我友後院鎖不踰闕心知四山外花鳥紅組織我得
我母書慈體康且直幸賴韓康藥共戴陽慶德且念遊
子出家人易惶惑頻款北堂曲告以頤養則傾蓋如白

首此事已堪勒矧更隆我母此意尤悱惻我將盥夫子
海枯石以泐讀君詩若書仰屋三歎息我步嚴子韻投
足畏荆棘君乃步我韻雲棧失其仄豈免過情譽恐是
相親亟會否過嚴子風雨一鏡黑會否話行客行客正
遙憶同心而離居後會宜愛嗇愛嗇君子交毋使流俗
測

題湘皋哲兄雲渠茂才聽雨山房圖

有季有季阻京雜欲往從之足力弱鏡昏夜闌耿不寐
何當風苦雨又虐一家氤氳尙岑寂旅人傍徨何所託
遙知客去酒尊冷獨立空階數寒柝季抱雄心未甘老

程侍郎遺集

卷二

九

霽喜齋

思排青雲奮長鏐公車不錄趙元叔虛想承明備著作
州縣之役徒勞耳不圖人縛適自縛何如歸來翦明燭
臥誦新詩起行藥百年奄忽有時盡畱此白首相盤錯
箕冠櫺具不復御收束黃鍾入趙鐸賤貧尙恃支離篋
富貴先愁紘干雀圖成寄季涕橫下季曰進止仲引卻
引卻季進豈仲願不能肥季使季削誰知季心遠相印
已揣仲志守且恪深憎軾轍隔雲水久慕沮溺耕荒莫
款門忽到天涯季一笑西疇未渝約長牀大被枕資眠
昨夜雨聲殊不惡

天淵芙蓉裳名家渠貧無立錫焉得此屋蓋畫其意所
其與其欲也

洞庭之水吞具區瀟湘之竹天下無牽船岸上卽爲屋

安用綠窗朱戶誇妍都我來小舞揚其袿但覺偏抑瓜

牛廬發盆作池砌種竹何日一碧雲模餽湖南提學署極小頗

思長沙地清絕應有天上員莊居長沙省中竟無佳宅泮宮先生

古林逋宅不枕嶽當襟湖豈知身外無一壺虛想水竹

斜川蘇彈琴攪深醪則愉唸詩肩聳口則吐巖壑不置

謝幼輿乃使闌干苜蓿連庭蕪我欲謀之郡大夫爲築

回軒容釣徒資邵之際多林於問有安樂行窩乎時蓉裳任

程侍郎遺集 卷二 十 麗喜齋

新化教諭小園深裏匝市翠明鏡曲照離樓梧詩成琴罷酒

百觚風月與客爭清癯何時眼前突兀見此屋再繪宏

景移家圖否乃往叩浯溪吾寥天一鶴猶可呼一鶴謂湘皋也

時僕與湘皋有卜居浯溪之想綠蘿巖丁亥春日作

玉人曉臨鏡縮作墮馬髻自顧一嫣然光照姊與娣名

流醉敲帽衣角飄風前書味盜胸中俯仰皆可憐茲山

勝以態千古向人拜不假草樹色濃秀發天黛回颺叩

其腹其響若鐘鼓其腹疑有月夜夜白如許桃花日暮

天祇愁化流煙安得掉漁舟守山長不眠蓋畫其意

避秦入洞壑世世長子孫如何唐畫詩競指仙之人避
秦卽避朱淵明寓言耳如何武陵客日尋舊口水或謂
錯築城投畚鍤者流或謂瞿拾棋曾與仙子遊漁父無
姓氏實以黃道真劉歆非晉人子驥豈前身持以問淵
明不足當一叟高臥北窗下請從羲皇說河湫至夸望
處處神仙家三度過洞戶今年逢桃花桃花爛若錦北
風猛如虎一飯不可畱耿耿憶前古

王感桃源偶作

調朱注黛寫煙鬟濃淚渲成石上斑亦有形同吳寸趾

程侍郎遺集

卷二

十二

愛喜齋

可憐愁煞豆青山

玉源三豔倚丹霞賺得純郎啖落花幸有南軒玉簫在

不教陳跡拾胡麻

栗里柴桑豈足耕飢然欲作洞天行偽書不顧淵明唾

太守漁郎補姓名

陶公不似謝公顛遮莫來尋洞口煙一掬桃花兩番雨

永初而後太元前

澹巖

左揖元道州右揖柳柳侯茲巖者不得兩先生姓字畱

得無草木含泣泉石羞兩先生者不得茲巖遊得無神

物闕惜慳其求淺淺二詩老山谷引出千詩鑿山緣我
尋黃九到石屋雙戶訝然差遞而折旋如入暗室蘊蒼
煙忽規天光大其圓若啟巨甕側以懸人自甕中窺見
天甕口齒齒藤薛牽亦有烏道容攀緣甕坐臥人百數
千迤其北西幽且偏其勢總與天光聯磊磊落落方圓
反正凸凹百石友各帶詩痕刻星斗但能飲墨便嫵媚
況乃苔青蘚赤風駁雨蝕朽可憐嘉祐迄今日蕪絕前
賢在深黝或者沒字碑中雜元柳後檢不得遂謂兩先
生文未曾有是時春雲鬱沈沈老龍抱珠潛太陰卻覘
黑暗有若泉迸出深奔蟄雷雷亦爲之暗冷飈襲衣毛

程侍郎遺集

卷二

七

定喜齋

髮直輒土承屨肌肉活當年曾宿避秦客客去乃爲二
蟬宅蟬亦仙仙不畱蛻吁嗟乎人在甕中若醢雞詩在
石上如鴻泥興來撞石空谷自響苔十萬軍聲鳴鼓鼙
何人結尸託幽邃道是嚴晨暄燠盛夏舍清淒散仙有
福啖鍾乳旅客亦愛騎青霓昨宵欲來雨未決卻恐馴
狐笑人拙瀟水淡淡橫古愁中有照見元侯柳侯一輪

浯溪詩

絕壁照字江清妍影落波底字寫天有臺託之風翩翩
有尊貯酒當客前其壁拒客不可顛卻負曲徑能折旋

不覺攀尊睇沈淵人影字影蒼茫連與臺遙對及臺肩
是日唐亭秀娟娟萬綠裏之墮江偏迤南招提矗青瑤
有水襟寺橋則穿是日浯溪聲潺湲色若碧玉刻佩瑤
亭寺夾橋高下懸臺北寺南雙壓邊中若堂若廡若船
牽聚怪石相牽纏人在畫屏據几筵石無定相隨其緣
左才半之右復全玲瓏瘦皴殊可憐樹爲石偏樹以攀
虎豹挈攫蛟龍蜚就中壽樟不計年放雲收雲司其權
雲染樹綠飛溼棉石亦透骨莓苔前古路可踏溪可沿
繚繞往復心纏絲有盡藏如無盡焉乃知林壑規以圓
面面不同如面然忘其跬步越陌阡若鳥在林魚在川

程侍郎遺集

卷二

十三

悅喜齋

掩映別有亭三椽尋其故基仍古先壁字最著中興鐫
臺亭溪以玉筍聯友讓得宅畱紅箋持正論文出真詮
此外黃米俱騰騫此外柳記殊怪祇此外碎金兼斷璇
上極絕頂下江壩一舉手皆可蠟壘石無完膚石不愆
石言若曰何菱菱卻別蓬蘽搜螭涎大有逸字蘊蒼煙
炯如三五離次躔如蛇螭斷謝蜿蜒文人好名思久傳
不計陵谷恒剝顛百千萬年年以還賸有幾字畱其堅
人跡不到疑鬼僊豈知一一皆前賢客告余曰盍舍旃
請就茆厂烹清泉共話漫郎心志專羣書當戶石鏡便
害馬已去世事捐蕭然雲月同醉眠况乃道州馨粥饘

父母何在在我塵其風如薰道如弦故宜俎豆常吉燭
百世相感我停鞭華星一珠吟一篇斟酒祝公公叩舩
何必故山方買田但恐巢許囊無錢

春寒

電光灼冰冰欲熱疾雷驅下五更雪奇寒中膚布衾鐵
馬毛蝟縮馬蹄折石魚山頭曉風起漣水波紋蹙成綺
只道冷雲無好春誰知開落半山李行人猶披青鼠裘
居人擁壚酒新斲可憐十日不見日白晝然鐙坐漆室
洗筆池懷褚中令

宸妃欲閉回心院英國空謀陛下家若聽知幾強諫療
程侍郎遺集 卷二 十四 菴喜齋

何須議草上官麻龍鬚豔后貪天醉鵬臆孤臣感日斜
雙管東風萬行淚灑來都作墨池花

鳥語

短竹卑叢錯雜鳴曉窗不顧睡人驚但能悅耳斯爲快
豈料呼春別有情繡闥渠儂兒女語畫船風日管弦聲
若教邂逅陀龍聽石闕深銜過一生

望壺頭山有懷伏波將軍

下澤車款段馬春紅初齊綠初亞征人臨鏡照水田中
有壺頭山影圓壺頭去天才一握聞道靈蛇大如屋三
千年來素帕首想見蒼黎當日哭秀眉將軍真神人牀

下不荅梁伯孫名言誠子反賈禍苴薏滿載徒埋冤將
軍徑充嫌運遠翻以賈胡遭詬譴將軍主戰不主綏欲
洗劉武威喪師當時二耿亦相厄以後叔庠偏畫奇吁
嗟乎臨軒已覺將軍老何况讒言塞直道英雄莫叩囊
底智百戰終當付秋草將軍稔謀豈不知羞逐少游游
閒兒生不願雲臺畫功狗死不願淳酒婦人手病倒疆
場裏馬革一笑臣心挂南斗君不見溪州銅柱森峩峩
異代銘勛宗伏波梁松柰我昭靈何

嘲北風

澧州道中作

西北朔雲頑且賴怒風驅之黑縱橫包裹億萬石花雪
程侍郎遺集

卷二

五

楚喜齋

欲填洞庭使之平老龍羣飛抗而爭半空使風如使兵
屋瓦亂掀如紙輕屑屑珠玉灑灑墜窗破帷裂連五更
曉來一白山崢嶸餘怒在樹猶長鳴倘一夜力埋谷坑
得不馬仆行人驚呼童埽砌僅寸許不滿力士三茶鐺
乃知蜚廉妄庸耳虛作倒海傾山聲嗚呼虛作倒海傾
山聲孰雄孰雌徒其名

澧州

北枕涇與澹南帶澧若道

澧涇澹道
四經流名

維西亂源匯直絡

復橫繞東則江沱注三派曲相抱孤城面面水浮動兀
一島當其夏秋漲東下海瀨滄洞庭九州大徧吸亦難

飽四水得所向若子趨厥媪豈料江沱至神力龍夭矯
四水能弗鬪遇之竟弱小况值圩堰阻青青馥其稻築
捍各競峻屹屹對厥堡水怒不可洩水徑益以宵一怒
復再怒森然出鱗爪齧隄更齧郭其勢便欲沼莫恃文
良制

文良制石爲之以分澧漲

及我西東棗

西東護城隄棗隄皆防四水潰者

不與

水爭地何患馮蠓黦苟與水爭地盪決等振槁城垣儻
不守田禾亦奚保且聞上游寒沙礫挾木草深渠化淺
箕春泥壅秋潦若使下游暢一白湖天曉今夏四水溢
奔赴疾如鳥飄風帥猛雨夜半助其狡隄泐積然缺城
危業欲倒老少相踐踏壯者據木杪倚堞手可盥俯堞
程侍郎遺集 卷二 六 登喜齋

膽先掉咫尺卽溟渤千里一浩渺雷碎大塊碎鯨喙萬
夫撓幸賴使君力不棄一瓠寶止其溺人笑授以黃襪
襪稍稍就安戢一一出流殍萬手指圩堰恨不仆其表
人指天亦怒頃刻大波掃

官私圍齊開水乃得洩

六晝夜水退相

與卜平燥當夫昏墊際悔不疏淪早及夫灑澹後晏坐
食新麩所望賢通侯高踞雙目瞭此利彼必害灼見析
豪秒俾城作鐵室治水去毀擣圩堰可決決黎赤仍不
擾陂有兩黃鵠野富六穉藁卽看雪霰集林邑便已浩
下走樂無事濡筆紀豐兆詩成九澧側凍日紅杲杲

郭外朔風殊跋扈田閒輒水亦春撞寒煙一雨便沈屋
落葉萬鴉同渡江倦骨入冬翻覺健雄心當酒未全降
馬頭莫惜征衫溼看取年豐雪打窗

贈王大令香杜兼呈鄧湘舉學博

銜卹未得歸墨經行且朽色養未能遂盼斷倚閭母勤
風從西至人獸盡東首幅抑孝子心孤館一鐙久孝子
固良吏慎受慎所授不揣污鱗意乃致讒謗口今豈必
直道弗媚衆卽詬况復工爲文世道例獲咎

文章至今日積弱不可強稟賦益以薄風骨何其佺必
有扛鼎力美醜斯可商不乃吹死灰折筴驅跛牂君筆

程侍郎遺集

卷二

七

覲喜齋

鐵鹿盧八角森鋒鋦能績人怒嬉與龍拏鳥鴉先秦兩
漢閒其氣宏且剛上取縱得中不失韓柳行誰謂宛轉
絲能敵百鍊鋼

直竹中箭筈羽鏃益厥殺健筆入無閒萬卷成厥大才
識生於學學生於不懈文始須放縱繼乃戒捷快渾渾
其源來江海一蒂芥上明周孔道下與出處對固恥傍
門戶亦必紉佻怪此事出天性悠悠古今會與子行將
別請俟異日話

東海何洋洋子懷鼉賈才安可便廢置尙有黃金臺名
山多餒魂挾溺蝨魚灰窮達戀薄祿萬一親顏開得志

行吾學百折不可回否上萬言書長嘯歸去來

斯文吾道閒清切惟畏友與若己者處譬鏡寫我醜吾拜先生筆欲作每箝口吾拜鄧子詩握管輒棘手前有大敵在角逐慎其衄脂澤哀駘姿冀冒孟媿首子今去長沙誰濯我背垢急歸招鄧子促席連卯酉各有名譽心偃仰看南斗

題孝女張淑先顓天袁藥圖

讀破岐黃書不如揣病情父寒父熱女則明投熱毋投寒女一議出父乃生代死古所難天公愍其旨血疏上奏女竟死篋有焚餘草草未出時父病已嗚呼使曹娥程侍郎遺集 卷二 六 覽喜齋聞之得不先迓婆娑神緹縈贖父書僅以春藁聞嗚呼淑先女叔先雄豈前身

賀湘皋移居

欲將安樂行窩築其柰茆龍葺不新

湘皋寓敝齋屋宇甚陋

造膝

喜當交讓樹窺垣時見一方人

君下榻敝齋相得甚歡又精醫術時與老親診

視炎歔卻掃同扃戶風雪移居又買鄰遮莫張羅官署

冷尚嫌熏灼庾公塵

不由旬地接書堂家貨遷來有底忙祇許琴尊環白醉

漫勞車馬識青楊寄費已自煩裴冕

謂康大中丞假以僦屋費

賃廡

終須對孟光

明春眷屬同來

料得玉潭新講舍早梅無限待詩

香

歲暮雜感次前韻簡湘皋

眼底茫茫風雨集
天涯草草歲華新
居州未必工齊語
莊鳥徒勞感越人
肯爲分金儕北郭
屢因撲棗戒東鄰
年來飲徧沅湘水
依舊萊蕪甑滿塵

豈有天花落講堂
談經習業爲誰忙
曾披椒糶求芳草
要屏箏琶聽折楊
殘客儀形忘謝諛
故人風味類思光
謂湘皋青熒燈火宜相對
領略齋廚畫粥香

湘皋以歲暮書感詩見示獎詡過情因疊前韻答

程侍郎遺集

卷二

七

覽喜齋

齋居見說清於水
風雪初闌物候新
卅載無瓊堪坐客
連宵聽雨定懷人
謂湘皋之兄雲渠君如蔣詡開荒徑
我爲東

坡署德鄰
坡公有德有鄰堂試杜席門欹瓦枕
喧喧多少馬蹄塵

問奇載酒叩書堂
信有磨人子墨忙
盡道有才過屈宋
劇憐競爽得王楊
謂剛東萬金良藥蘇沈瘡
一割鉛刀愧步光
我自蕭齋拜詩佛
夜寒親試玉麝香

詠史仍疊前韻

粟轉梯山連歲腐
蝨生甲胃幾回新
定知領額稱飛將
不是恂恂一鄙人
爰劍竄身翻蔽篋
涿韃突網轉驕鄰

若教狐兔輕鷹犬誰掃輪臺徼外塵
出奇休恃陣堂堂銀鶻虛奔底事忙未見兩髀皆脫肉
卻疑左肘屢生楊老謀已竭哥舒翰將種新除斛律光
料得祁連無雪阻西風萬里戰袍香

湘皋見示移居後連日大雪之作卽次其韻

風屑稽灰勢未殫臥聞冰箸墮珊珊舉盃欲共天酣醉
命駕先愁海浩漫人迂王恭初著斲詩踰東野不言寒
誰知妥竈蘇蘭役別有青腰玉女官

謂新納
姬人也

醉司命日作復用前韻

筒裏錢刀日益殫尚思朋酒恣盤珊黃羊亦是尋常饌
程侍郎遺集

卷二

三

歡喜齋

郭禪原非耳目官信有日明何可燭不因人熱及能寒
糟糲抹後朝真去祇恐風多雪復漫

雪後嫩晴倒疊前韻

銀蚪掉尾避蒼官尙作春來數日寒此土已戕旁不日
岳州今歲多蝗此番我師猶成折羅漫老梅姪姪歛香

雪後當無遺種矣

玉小竹鬢髻綴女珊欲趁新晴望游榼卻愁泥滑馬蘭
殫

追題黃丈東井五老圖應其嗣君支山屬

二老踞亭倚檻話二老藉苜書作界坐石一老風骨最
是漢循吏次公輩朗徹其裏碩厥外讀書成誦瀉水快

爲政禽賊不用械不廡所仕塞其兌歸來息園解冠佩
遂與四皓成古會花竹瀟灑地幽隘往往談讌出光怪

二江夏黃侍而介一進酒一杖而艾支山侍旁持杖杖頭挂艾四賓

色怡一主對各有真意各天籟紛紛偃僕戀冠蓋鐘鳴
漏盡不知退問先生風得無悔先生父行我所戴杖而

艾者我所拜老成典型吁可喟試看流星入昴內

題闕畫師嵐觀潮圖

字雲山

兩龍伯操繫海練勢自東走飛入西萬雷裂雲萬牛吼
聲自地腹穿天臍况當月皎冬霽雲浪花白壓銀河低
喝月月倒行吞月月無影素車白馬欲到未到際但覺
程侍郎遺集 卷二 三 覽喜齋

橫空一鏡當頭冷清輝直射雪山透怒流曲卷圓珠騁

其下島岸秋毫見其上星斗動搖頃我會邂逅錢唐潮

聞道海昌尤怒驕君在海昌觀潮因作是圖歸來仰屋畫不得谷分

厓吟徒喧囂畫水有聲况畫潮天意特遣張僧繇先生

笈裏有龕楮八月枚乘拜其下

闕畫師嵐我與我周旋行樂圖

我未晤雲山不知其人視其友圖中盡乾嘉間名流所作我已讀其

畫卽今誰是宋元手我識雲山壯時面火色高頤目如

電才名卅載食無肉聞道龍鍾鬢垂練自照已非當日

顏彩筆尚蠹金琅玕卽今誰是宋元手我與我外殊無

乘迅流賀逆風

乘流快意下風又助其駛曾否窺落溲無亦觸坎止風
 水力一倍雙櫓戛不已三老詛風伯不計上瀨彼上瀨
 爭尺寸帆纜互相倚依然背篙叫手繭足交舐風性至
 無定日暮不可恃水萬折必東吾亦欲東耳好山常俯
 仰倦鳥同臥起况聞報郵籤日已行百里
 沈栗仲同年宰鄆縣以弦歌化之邑能鼓雅琴者
 四十餘戶其治可想以詩贈之

一夫弦歌千室鳴古有單父東武城三代以還無此聲
 程侍郎遺集 卷二 三 冠喜齋

此聲能使王侯貞閒暇無事修太平化我鴟梟哺所生
 雲秋之水北入沫上有神父秉周禮攬深驛愉萬事理
 偶欲登高臨淶水諸生十百希厥旨路人咸詫問所以
 指絲桐曰命之矣茆厂夜月彈流泉杼聲書聲相糾纏
 稍涉北鄙便自愧何況洙泗斷斷焉邦君憑軒賡古篇
 邦人和之如衆僊趣拜炎陵求練弦翦其青牛剝雙角
 夔襄薦技班倕鑄君曾取炎陵梓作琴神農大笑投楮鞭此調不
 傳數千年恨君不識袁孝尼恨我不識元魯山于薦于
 曲已徧誦廣陵妙散胡可慳不成章我亦不忤但欲博

我高堂歡時欲就君學琴進觀君藝何嫵爛能詩畫書奕劍丸

所可測者器數閒不可測者海波瀾廿年同舉今甫面
冰雪同清鐵同鍊悵悵琴德美可眷君山豈受宣平薦
五技都窮臥花縣何當密友羅曲宴三疊胎仙舞深院
座中那有鍾子期祇恐鼯黝側冠弁

郴州五蓋山至峻屹其巔有峯益高戴龍湫湫下

坎產石若端溪郴人取而礪不知硯材也刺史

曾君鈺識而寶之以爲勝端溪下巖丁亥秋余

在長沙忽一夕夢造刺史室室盡硯邀賞之遂

懷一去覺而寓書於刺史以爲笑時絕不知有

得硯事也刺史荅書述果得硯故且詫我夢我

程侍郎遺集

卷二

三

覽喜齋

亦自詫其臘小除刺史餉硯二啟視之皆夢中
所見也刺史有詩作此奉酬

五蓋齒齒齧霄漢上猶有峯安可窮其峯碑兀戴神瀆

云是雷電龍所宮潛源一綫穴南澗靈液饋饒蒸雲紅

雲乾液枯漸可割化作百萬圭璋琮何人欲斲不敢斲

斧鑿落處飛晴虹尺寸偶挂使君眼云此實與端溪同

試琢平坦著子墨其色黝黝花叢叢能飲陳思八斗血

能了潘谷三年春左右驚瞻詫瓌璋使君荷畝親相從

使君能文善隸古以石爲友書爲農故因華妙聞帝所

冊以卽墨諸侯封况復俎豆韓張李得不誠感昌黎公

時正濬北湖建韓文公祠
而以張員外李使君配食報以文玩助文藻濡染柳筆

傾湘東卻怪遲錦與江管無乃夢幻空其空而我以夢
詣君所自堂徂室窺簾櫳畫屏棊几發奇怪是何物者
光熊熊如肌肉活怯指按如煙霧凝愁風攻紫者膩墨
比刮竹青者摧墨儕撥麴一廬之內臥礫石有似馬磨
環其躬我懷其一拜君去仿佛度嶽聞清鐘覺來挑鐙
索席扈依舊敗瓦歌詩筒乃修魚素博君哂君荅有鹿
藏隍中我欲順途詠其事君乃錦帕雙其蒙繩開匣啟
爛然出與夢所見無殊蹤急剡并華過一斗不暇作字
專磨礧麝香漚鬱衫袖駢一笑殘歲崢嶸終轉憐硯不
程侍耶遺集 卷二 三 覽喜齋

入君鑒女以搗練男銛鋒有若偉士遁荒隘頭白志拙
無遭逢卽今走馬望五蓋欲詣君室偏匆匆何妨昔昔
夢爲僕手把椎斫披蒙茸并擬撰銘五千首一一劒徧
仙芙蓉大呼石超爾何在曷亦拜倒會南豐 其顛峯有
石超道人

題千雷萬
電等語

忠孝女沈將軍歌

獻賊殺人若薙草長沙以南無完堡避賊鋒者走且僵

諸統制師皆女郎守備獨以孤軍當 孝女父
沈至緒殄賊過半

身乃戕身戕其骨爲賊得孝女哭父淚盡血刀如青霜
馬如雪白甲白旗白袴裙一隊銀龍翻虎穴賊見孝女

疑飛神弓不暇彎，矛不謹但覺仆如木偶。人多羅棉手，
劍鋒利左鋌，右鋌恣我意。帳中萬賊俱伏地，忠臣骨在
孝女肩。歸來一慟雲黯天，環陣士卒誓死守。忠臣屍與
州城全獻賊，不敢窺其藩。孝女志與州城堅，詔褒嬋媛
晉遊府。十六芳齡帥貔虎，五嶺以外聞其鼓。鼓聲忽死
麾不揚，天涯熱血埋干將。夫亦戰死爲國殤，孝女夫
賈萬策夫
逐父去魂洋洋，妾感身世何蒼涼。脫我綠沈之甲，還君
王雞斯。徒跣奔故鄉，青鐙萬卷聲琅琅。殺賊手說經口
宣文女，徒環座右花時不作兒女夢。夢見彎弧射天狗，
滄桑一變無何有。只此能忠能孝能節奇，女子女雲臺
程侍郎遺集 卷二 五 龍喜齋

其奇

書劉母田太宜人，事應觀亭司馬之請。

太宜人姓田氏，雄縣巨族女。公子宦伊涼，侍杖履芳
年。玉映蘭閨，裏孝經內則。常在手，更尋列女到彤史。喜
觀相人書喜覽，聿斯經喜繙靈蘭祕典冊。喜講司空城
旦刑學成一，笑凌青雲百家古。有義成君斯時，劉大令
正宰古浪縣。宓子琴絲忽中斷，誰歟來續鴛鴦綫。太宜
人歸甫卻扇，卽能撫前夫人子。如已見憐其羸弱不可

支趣爲納婦似續斯兒薄祿相孫含飴大令政成殞厥
命官衙鴉散雪霜迸嗟哉太宜人血涕掩鸞鏡以一手
持大厦傾以一手扶旅櫬行提孤孥嬰愁避兵突風吹
到刀槩聲萬賊據險不可爭急卷雪衣投柳營兒羸兒
弱竟以哀毀死可憐兩樁父若子卻顧牀柯尚千里有
姪廷模遭諸途涕交頤下紅模餉姪已遴選不入都願
送阿姆還鄉閭便卜窀穸藏王鳧興吾宗者廷模乎柰
何欲以閒穴出乃搜賻布括珠瑟遂以貲領大尹秩廷
模迎養楚水濱太宜人笑花縣春太宜人歎廷模詢其
諸官事失厥倫太宜人曰爾治爾邑無冤民我歎我親
程侍郎遺集

卷二

三

望喜齋

未邱首我生未履易之阜此生得照易水否到時族黨
知何有阿誰能似聊曼母廷模一朝報最北入京板輿
遂過雄之城太君不識東平坐忽遇田父僂而耕問之
指點說宰樹再拜祠下感霜露父老太息子弟驚乃屬
子弟往迎雙玉棺由都下以窆易干嗚呼田氏有孝女
劉氏有賢母相夫治劇久訓姪治譜守使夫有孫繼厥
後使姪佩印大如斗使親得瘞故山左今紛紛拜太宜
人者皆廷模之友乃問吉嘉問凶醜云能貫穿李常容
包括鳴雌負我正告諸君曰問太宜人當以大節先求
之古豪賢恐無多讓焉

道光辛巳夏秋予兩過東湖高芾堂前輩適守鳳
翔爲東道主丙戌戊子之夏予兩試衡州芾堂
觀察是邦兩招飲於湘蒸之澣撫今追昔匆匆
八年矣賦此志感

東湖之水碧且黝君投其盃石螭吼蒸湘之水弟若兄
君拄其笏紅亭明坡翁一別韓子逐可惜熊魚不雙炙
爾來王佐頌邦君已見文章開講舍不疑自守慈母訓
興祖一任妻孥訝觀察署中無眷屬然夏非夏秋非秋屢以雀

躍從君遊憶昔醉我岐下月鳳凰耳畔鳴啾啾君歸我
臥兩寂寔明日蹀躞周原頭豈料共飲蒸湘流手拂石
程侍郎遺集

卷二

七

龍喜齋

鼓維扁舟十日閉置作新婦一朝泮散如風鷗驂驪八
載幾彈指我驚其面君髯矣各有高堂皆髮白苦無二
頃供甘旨公侯袞袞君其徒會讀城旦司空書我似鴟
夸託屬車未免瓠落慙江湖前年酌我紅亭側竹樹團
團裏筵碧今復期我衡之屏想見九疊環亭青有岳屏小飲之
招尙未赴也何時再訪璜溪釣只合出門西向笑璜溪屬鳳翔

贈譚鐵簫太守

光祜

譚侯貴公子慷慨多大節朱門少年日開口怨離別袖
中五色管盛夏集冰雪翩翩困科第前輩盡傾折投筆

未四十才名動

宮闕家門骨肉苦朋友遇合缺舟車竄風雨肝膽變胡
越仰天吐偉句真氣偃溟渤其來無首尾其去彌盪瀾
其勁若引滿其曲若蟠屈只畱青蒼色不受脂粉抹藏

園避其鋒子山拜其律

謂吳蘭雪舍人

獨於西江社旆以杜韓

職看花席尊酒射虎挾箭筈一篇偶飛出傳誦已嘖嘖

或招金閨彥或入玉人瑟譽滿侯不怡危坐求古昔公

卿塞閭巷無路取簪黻竟騎將軍馬殺賊草羽檄功成

薄受賞踏遍蜀山兀衆水在指掌環混不能溢可書便

可繪談笑江漢決

侯著有四川水道源流簡明說

爾來向南楚美政不

勝說封侯已遲暮况乃未騰達前席求異才賢喆爭擢

程侍郎遺集

卷二

三

堯喜齋

拔得權功乃大詎豔秉麾鉞我昔使益部晤侯摩訶側

忽忽六閱載聞聲每傾結行部見資邵兩江會而激

辛巳

秋遇侯於四川試院頃按試寶慶府屈侯爲提調

衙官到屈宋流汗愧且蹶旁

午必劇談露曉與鐙夕侯氣清而夸侯論雅以質渾忘

古劍銳但覺大圭潔英雄固名士兒女亦仙佛

侯有英雄兒女

圖我懷湖海志共此一腔熱喜聞忠孝語力埽迂儒轍

讀侯卷未盡起舞更叫絕想當歌哭際吹裂六州鐵

侯又

有吹簫乞食圖

作者不經意聞者輒嗚咽卽今好風日花發水

清澈春風貫簫孔山勢屹詩骨茅亭踐蘭約洗耳聽奇

突金石畱逸響蛟龍起深窟蒼茫千萬感爛漫二三月

題李海颿太守海上釣鼇圖

丁亥

朔風初繫歸客槎占有大星來軫車乍覲面乃等疇昔
便喚滄洲老龍伯肌髮光細僊之人飲我白湯如飲醇
卅年循政浹瀾水能化巨盜作順子何況鄭兒開門孤
所到盡以家公呼情慤德滿意款款溢爲文儒白玉管
吐辭淵雅天所發東郭順子人意消會從絕險造平澹
山嶽壁壘不可撼釣竿撐突天地臍瀾東以至蒼梧西
君自浙來永州與在公子湖
水以東蒼梧以西之說相應
五千之牒一鉤月鼇上不
上山硤硯誰知六六齊點頭蓄以盃水以芥舟才雄志
大類若此眼中詎有任公子

程侍郎遺集

卷二

无

楚喜齋

前席晝夜求軼才使君握電驅風雷一日九遷無喜色
一息六月豈太息况復水清山古幽友猗玗子友柳侯
虎符龍節果來逼袖中放出莫柱力何時海上三神山
十丈珊瑚紅一竿希有鳥拂大鵬翩笑倒君家釣鼇客

太白有大鵬
遇希有鳥賦

題陳西侯問津圖三首

問渡從來不繫船誰教越客此停鞭江潭柳色春如許
根觸名場二十年

賦罷娥隅漫自猜驪騶道路劃然開劇憐驚座通侯氣

元是微雲女婿才

西侯爲吳山
尊先生婿

錦作蓬萊玉作京
蟠仙指處最分明
定知馬穩春山闊
不向青苔仄徑行

山行看花三首

桃花冷雨春濛濛
和以溼雲從以風
馬蹄汨汨踏泉脈
山翁掩戶笑行客
一叢穠李出竹枝
玉顏翠袖天人姿
綠章今日達帝所
孟婆前日已含怒
山花開落風雨司
瓶花開落自主持
瓶花無根不可活
山花落盡行復發
有開無落花之心
不風不雨花不禁
但名爲花總須落
請看長松臥深壑

程侍郎遺集

卷二

三

登喜齋

不上玉人雙鬢去
如雲如海搖東風
日暮可憐誰與同
鶯穿蝶抱皆知已
况是攜尊賞落蕊

辰龍關

我曾徧踏黔蜀山
辰龍卑卑不足數
祇緣峽立四壁鐵
天割一綫不可補
萬里風來洒客面
帶滇之雲黔之雨
沉南羣峯盡縮轂
夸望亂源繞門戶
卽看鐵星陷石臼
嗟哉逆藩此最怒
頻年自恃雄關閉
豈料閒道通貔虎
高崖細溪左右出
更抄清捷背張弩
賊進喪膽退失據
黔滇自此摧螳斧
名山自昔多窟穴
如蜂窠簇如齒齠
淮陰曾拔井陘
幟武惠亦避劍門阻
傳云在德不在險

天竈凶門誰敢侮何况辰龍瑣瑣耳以逆犯順盜憎主
春山卉木紅連屋晴日鷓鴣啼到午馬蹄人影自來去
前村正打催花鼓

仙人房仙人劍詩

自志言文

無別

其

斧剴壁立窺江傾土戴棟柱樓楹撐仙不世居此間營
白人視之咎咎盛仙或視之華屋盈了無風雨飄搖驚
兩崖對拆數椽橫眠一長劍丹青明後其臘鋒前其莖
莖首有眊銳而輕大匱蠹蠹舟庚庚既置家貨復貯兵
仙人無乃恒人情當年有路通客行或石未泐壁則平
或水勢高凌崢嶸偶簇朽木得氣精人則爲之似天成
程侍郎遺集

卷二

三

覽喜齋

向後路斷不可耕空際遂裏煙雲生衝風琅琅木葉鳴
猿猱仰羨鳶若鷗今宵天開月則清其諸彷彿來鶴笙
我欲一假干將擎卻恐吹鼻啞無聲

題鄧子與詩卷應湘皋屬

其

其

字逸詩清人磊落蒼茫一幘至今畱能吟誰識連文鳳
感舊偏悲釋貫休

子與明遺逸其詩
弔詩僧某亦遺老

事去劫灰餘冷淚

時來寶月入冥搜先生有志肩文獻無限沈珠待網求

泌溪垂釣圖爲歐陽同年題

名信

信之父竹庵先生孝養其母母嗜魚因釣以供

饌母歿後惟祭一釣也其詰嗣信出此圖索詩

五侯之鯖五鼎養不若負米急朝餉魚監之魚取諸官
不若隱君青竹竿素髻旣割薑桂馥老親一笑捫其腹
溪水迴曲溪風妍又送唳聲來耳邊岸巾以晴笠以雨
過者疑巖復疑呂枯魚銜索一朝殂骭跡漸掃涖痕蕪
偶因薦新理芳粒旁有季蘭助其泣謂公配何孺人至今溪流
玉潺湲想見道顏清而閒冰下老魚慎勿觸會飽當日
仁人粟

詠史

劉尚師全覆陳湯老據鞍有書招贊普無劍斬樓蘭輓
粟談何易懸軍古所難微聞漢恩厚將相已彈冠

程侍郎遺集

卷二

三

登喜齋

大龍驛雙桂軒

我今五渡漸江水愛此雙桂幽且妍漸水在三十鋪好花一度

未曾見明月三十七回圓山僧行腳過萬里館人白頭
已廿年往來數數殊自愧忠言奇謀奚在焉

再題龍陽驛館

寒日未曛曠亭光已向東煙馳大地白霜瀟半天紅帆
布支提杪人家茶把中欲招圖畫手破曉坐微風

橋曲四五折花增千百羣使君能頌橘過客正書裙董大

令阿郎在園讀書綠厚園逾古茶香鳥共聞登高知政理耕織

日紛紛

呂麗堂太守射虎圖

戊子

民奔呼山有虎朝暮食三人一媪一鬪一婦女民奔呼
太守呻虎胡爲哉噉我赤子如噉豚糾我衆礪我矢虎
來虎來爾必死虎不負嶋乃走壙得無政感神所相虎
就誅殛訴無狀白羽洞背直達吭虎魂零星虎膽喪殺
虎如鼠歸來歌太守之勇于廣何恤其被齧弔其室太
守之仁與均敵斯時穉程黃雲平腰鎌夜獲無恐驚害
除民樂設社酒招邀健兒飲一斗

小谷黃丈善繪事言湘山之綠勝江南因賦此

柔風東來小波舞夕陽睡起湘之潁但覺蕉梧繞窗戶
程侍郎遺集 卷二 三 龍喜齋

不道羣山碧如許近山茸茸如裏煙遠山楚楚混遠天
小橋叢薄幽折入奇石老樹周遭圓誰歎畫此山嬋娟
癡黃大呼山來前廿年夢裏盡蒼翠要與造物爭天然
六朝雲氣滿行篋片片墮入西巖楫憑將十斛好螺黛
染取百幅羅裙裙春歸嫩晴殊可人米家几研若爲新
祝君畫取詩中意消得柳侯一綠字

題黃小谷畫

楚楚丹黃壓樹鮮疏籬落帶花妍緯蕭亦有江干屋
吹破西風已十年

杏花絕絕柳柔柔屋角春禽促駕牛縱不有秋聊自樂

絕勝辛苦覓封侯

南浦圻道中

鐵練雙縻巨艦排
馬蹄浩浩走風雷
蒲山勢到沙羨俯
修水源從下雋來
萬頃稻肥秋雨缺
三更雞睡大星催
蒼茫憶古空搔首
不見東吳右部才

所錄瀟湖

數里距漢口鎮十餘里有湖焉匯瀟水及江支流阻

塞孔道約四十里許春夏間非舟不能渡秋盡

冬來則成坦途矣

排空萬櫂舞漣漪
無限斑駁脫玉羈
人道秋田恃甘井

程侍郎遺集

卷二

三

登喜齋

天教夏潦作湯池
商量更鑿梁山灤
反覆誰歌鴻郢陂

時有廢湖
爲田之說

卻愛遠村開夕照
柳行如屋竹如籬

有感

濃朱厚黛損天真
况復蹢躅強效顰
但倚市門都辦此

何須絕世浣紗人

連宵珠彩貫晴秋
月在東南第一樓
喫詬離朱皆不得

卻教象罔漫相求

黃陂道中

南司州地才經過
平楚蒼然四望陰
金氣西來風跋扈

早雲東積火燔燁
忍看龜兆千尋圻
不乞龍髻一滴深

我亦鋤犁能把者苦無千頃換黃金

武勝關

昔慕直轅天下險今驅羸馬踏雲來了無磴道千盤峻

但覺回颺萬壑哀淮漢背流收亂水申黃自古門雄才

果然談笑能擒賊合向牛醫耐一柘

黃叔度檢司馬龍
故事見天祿閣外

史

西平道中

刺促成何事差池不可齊功名上蔡犬歲月汝南雞種

種憐秋鬢紛紛憫夏畦誰歟佩霜劍淬礪向棠谿

臨潁道中

程侍郎遺集

卷二

三

菴喜齋

日暮途岐已自憐何堪猛雨助憂煎潦翻一馬行將斃

風殺雙鏗不可然羹飯無緣瓢欲棄衾裯何處榻空懸

楊朱失路渾如此忍誦駢夫四牡篇

潁川書感

漢潁川郡今許州也

潁川黃與太邱陳怪底精靈感召神庭廡時時下鸞鳳

盃盤草草聚星辰豈無北舍來鴉雀亦有東行說異人

畢竟傳疑卽傳信薰然明德藹如春

曉熱

山形入莽蒼秋旭向昏黃露稻通宵重風荷隔塢香心

疲成漫爨語癖漸疏狂試問勞勞者曾思枕簟涼

過新鄭喜晤家益堂大令

德增

相逢韋杜鶯花曲爛漫同傾瓊醪盃入座樂緣車武起
叩門聲識孟公來青山厯厯游如昨宦海茫茫首重回
今日驅車尋桔枳鄭南門也人傳君是惠人才

由豫入燕日日看太行

自渡金河北連山盡太行鬱雲朝磔柯團月夜蒼涼形
勢幽并豫波濤沁衛漳西虹飲東海千數里而強

一日邯鄲懷古

茗花顏色夢中栽錦瑟銀箏絕可哀豈有壽陵能學步
斷無廝養解憐才温明尙記蕭王殿歌舞難尋土父臺
程侍郎遺集

卷二

三六

芄喜齋

索炬歎

一月不雨稻不粒東疇西疇辱水急官符夜下鳩丁男
明日行勝昇貴官鞭之不起詠非嬾心逐桔槔輪裏轉
歸來一飯未安處忽聞伍伯詬且怒踏破柴門索蕉炬

程侍郎遺集初編卷三

戊子八月十四夜偕祁春浦中允昆明湖踏月

八

初九日差旋復
命仍入南書房

秋生玉宇瓊樓夜月在長楊五柞間黑處樹陰明處水
紅皆臺影碧皆山幾年官耐侵銅斗一日春雷響獸環
似此蕭閒仍富豔何勞清夢戀江關

春浦中允以余卜居鄰近投詩相賀即步元韻奉

酬

衷謹酬知未敢豪漸看舊繡拆波濤論文喜得元才子
取友無如左伯桃願以清泉灌交讓何妨暖柏集寒號

程侍郎遺集

卷三

一

程喜齋

用要嫌松柏寒聽逐
桑榆暖詩意而反之怪來童僕皆親暱闔戶曾投一盞
醪

春浦中允以余埽直齋奉母賦詩相賀仍疊前韻

侍學三天感二豪功名草草付雲濤

先大夫在尚書
房行走十餘年魚

軒曾借華林馬

時家慈會
到澄懷園

鳩戲爭嘗御苑桃

時澤甫戲
屢食賜

珍

重埽秋窗迎竹笑漫勞夜雨起萍號

迎板輿前一
日風雨交作風

前欲博慈顏醉合乞官壺九醞醪

題陶孝女刲臂療母冊應王可權學博

金翦截臂肉流血被肢體壯夫且弗勝乃出十三弱女

子一鬢墮地覓不得縱思再割手無力竭誠作氣爭頃

刻氣偶一弛不自克弱女處此何從容一翦委地如殘
紅再翦入水煎芙蓉兒肉如兒心知母病所行且攻兒
肉卽母肉補母痲瘡母乃充母有病兮兒有藥強飲強
食病不作吁嗟乎十三齡弱女子豈有沽名心宛轉托
彤史設思親病親吟呻孝子便欲忘其身苟有一策可
拯球何暇計及要譽於友於其鄰訾沽名者胡不仁請
觀十三弱女子一割再割皆天真吁嗟乎一割再割皆
天真豈期名著邀

恩綸

春浦直廬後垣黃菊盛開賦詩見示卽次其韻

程侍郎遺集

卷三

二

登喜齋

楚楚黃香壓帽斜鈴鈴秋影上烏紗曾窺靖節鬢髻柳
菊以小而黃者爲上靖節所賞卽此種也五色種起于晉以後靖節所不及見不作重陽爛漫

霞地僻滯霜還滯雨賞稀疑草復疑花相逢欲以兼金
鑄特爲新篔舉畫又

扈

蹕

東陵途中口占呈同直祁春浦

又作鴟夷託屬車滿斟醇酪腹如壺
斷窗取艸吾何拙
給札成文子甚都踏碎月華花款段搖殘燈影錦屠蘇
毛錐也具封侯相寫到邊功贍倍麤
時皇告西
東陵

故
詩中屢及之

雪後經冰沼上風景如畫

一白全遮一碧圓有冰如鏡雪如氈潛魚黑失琉璃夢
遠鷺明投罨畫天屋角火温千墜筴塔輪風急四馳煙
羸驂合稱歸籠袖詩與寒花共壓肩
雪中退直賦呈同直祁春浦池籬庭

敗葭髡柳覆江岸中有老漁雪沒盱詩心畫手競樵寫
那識天上風花爛觚棱金爵皎於月不待東明已先旦
白連龍尾幾千尺紅掩畫樓才一半溼雲封牖虬漏澀
香篆舞簷鴛瓦泮風前烏鵲總馴狎午後貂狐各分散
程侍郎遺集 卷三 三 龍喜齋

九重疊下寬仁詔

大祀特獻精誠禱南郊大祀之後瑞雪應時故應呼吸動暘雨能使

人物無夭殲我曹橐筆書大有日侍

玉皇青玉案微吟便注龍香劑每食恆拜醜醜灌豈無

薑芽凍十指共坐暖閣春風幔歸來策騎經太液但見

丹虹飲銀漢可憐草竹半摧抑只有青松森直榦欲謀

一醉款二客其奈驕驄不受絆便當獨對冰壺子破竈

空庖無可爨明朝且緩趁官鼓時充國子監祭酒每朔望不入直臥聽

寒雞聒枕畔

春浦和韻見示因疊答之

乘桴枻廣須至岸裁衣衣長宜蔽肝心光筆力爭一到
乃與張蔡同粲爛何人夜呼孔賓出翦刻花天繪霞旦
遂將郢雪蒼下里運筆如風燭未半鳩鵲雲從兩袖起
太液水隨一笑泮君如蛩蛩我如蟹蹤跡年來幾合散
自慚鳴夸非國器乃使蕭艾同熏裸君適用若儉歲稷
我無成比不才殿記會同踏洞庭雪俯視岳麓平于案
記會黔楚兩相望有酒相餉瓜共灌我於行部訪文教
無限生徒指經幔秋來同直屬玉館舊事蒼茫付斜漢
池波汪汪憶叔度謂左田先生直氣侷侷推公幹君詩近境
益神變天馬全脫朱索絆我詩成便自焚草君審聽謂
程侍郎遺集 卷三 四 覽喜齋

奇音爨筆僵墨凍正惆悵又見稽灰屑天畔

倒疊雪中退直韻贈池籥庭

紅杏先生酒尊畔扼腕屢歎柯亭爨行過古滇得池子

自詡飛黃入吾絆宋芷灣先生其文詩集曰紅杏山房籥庭受知芷灣先生最深可憐

紗帳已蕪絕剩對范陽盧子幹余亦受知芷灣先生今先生已作古喧傳

詩句

御屏上金管琅琅賦銀漢用蔣防事金秋持衡出關陝爭看

英姿挾車幔籥庭典戊子科陝西鄉試拈來高第日五色鑄出椎成

劍千灌

天顏一笑賈前席復命後奉特旨入南齋蓮炬兩行蘇侍案

彩雲在牖霧全駁碧雞來儀羽不艱籩庭滇南人故用滇事與君
搖佩踏初雪正值

紫壇禮圭裸黃羊大夫有羶行使我疑慕不可散謂祁春浦
汝南月旦去人遠到來恐已硯冰泮謂許滇生時使君黔回尚未到

才能造鳳樓五我書不及袁豹半神仙官府祇文字山
水清輝改昏旦時余寓西華門外入道退直必過金鼇玉竦壺中一語便移

晷每見人間斧柯爛詩橋驢背猶憶灞冬冷兒衣總蔽
忬籩庭甫自關中歸擬攜臘粥祭詩佛莫讓閩仙踞彼
余時忝官祭酒

岸籩庭甫自關中歸吳天總憲潘芝軒先生六十壽詩五首

程侍郎遺集

卷三

五

程喜齋

昊天佑

聖清嶽瀆生偉人忠孝荷兩肩五福備一身廿五魁天

下玉殿行麒麟四十躋尚書磊落社稷臣時退復時進

朝野知其仁一以致堯舜一以娛老親

出處關大節先求心所安親老胡可離

主聖胡可閒養志能延齡親壽如南山退補進乃忠正

色臨朝端曾閱日益少公爲人所難稷禹卽曾閱易地

則皆然

孝養有畢日

君恩浩無涯里居十數年心耳通民嗟讀書益精貫灼

見正與邪培善培其根遏惡遏其芽領袖獬豸羣開口
吐天葩揖讓赴容臺風度何輝華時攝大宗伯

黜然一古鏡照見垣一方璉兮一大主人神肅相望渾
穆已難跋况乃智且明輔翼持大端論思握宏綱北面
萬弟子欲窺不可詳南斗聲環環太湖曉蒼蒼
三朝數耆舊四海疑公年公年甫六十人望如古賢不
以黑頭相易我萊衣鮮故能葆其真學養通性天富貴
身外物要以謀謨先槐鼎在指顧竹帛方爛然祝公劬
明德懿戒歌寶筵

己丑初春赴澁懷直廬步邴春浦韻

程侍郎遺集

卷三

六

登喜齋

會記聯吟秉燭遊靈光舊跡杳難求感君才氣追黃鶴

謂左田先生

令我低徊到爽鳩起草猶留當日石

用薛元超事以先大

夫會直澁懷園近光樓也

踏冰重上夕陽樓

是日與同直登近光樓

壯夫有志

非詞賦莫惜江花不忍投

時春浦以經義治事自任

養敵壯天富貴

述夢一首用前韻

大鵬希有兩遨遊豈料莊生見彈求城郭都猜華表鶴

兒童爭唱白苻鳩春聲寂寞雙柑酒海氣彌漫五色樓

卻歎匆匆老夸父遺笻不作鄧林投主人輒齋臥望

許滇生次春浦韻見示因步韻答之

憶昔拏舟明聖遊一天風月萬金求尋花不避雲中犬

側笠都成雨後鳩宦海東西同泛梗人生憂樂在登樓
時濱生住近光樓 與君昆季相交處膠漆之堅一再投

上元後二日大雪次春浦同直韻

是誰乘夜襲昆侖素甲如荼萬帳屯鶴羽久留渾不辨
馬蹄才過已無痕割鮮我輩尊方滿待爨何人釜未温
卻喜土膏能坼起東風一爲拔陳根

復疊前韻答春浦

彌漫柏節與松根綿纒羅羅了不温祇恐乾坤填欲窄
卻教厓岸失其痕春衣花集初成賦用謝莊事貂帽人歸久
撤屯用王全斌事是日楊果勇侯入覲 好向高樓縱文酒當筵笑墮玉

程侍郎遺集

卷三

七

范喜齋

昆侖是日同直四人
在近光樓小飲

溥生侍講用東坡聚星堂韻賦雪見示因次奉酬

疾風七日走雲葉吹到天山萬重雪欲填江海作平地
豈料橫空鳥道絕小垣積覆何足數老柏堅松亦三折
模糊那許稜角露方便遂教鐙鑪滅居人閉戶尙噤瘁
行者天涯正提挈茫茫關塞胡可度一夜冰松鋼眼纈
時親申有遠適者故云 都無貂錦易麥飯空把寒氈齧成屑願乞
義和放日萼化此沈陰只一瞥誰家操筆茗方煮有客
對酒餅重說羨君吟罷復登眺凍後毛錐勁于鋏

題郎海西畫馬

吾聞天馬不受絆誰歟操此青絲韁拂耳頓足三萬里
草頭一點西風長絕其芻豆儻能走世豈復有豢龍手
玉鑲金鍍朱排沫一戰功成骨先朽伯樂不及支公癖
放與逍遙噉春碧汗血全乾四蹄重不使銀鞍覆虎脊
得無馮駕更齧膝致令畫者三擲筆畫者乃今曹將軍
能通馬語取馬神飄飄尾鬣堆若雲蓄怒未許奚官馴
猛士掣之力不均祇恐繩絕飛且奔海西所畫已難得
何況騏驎出西極君不見騏驎出西極又言在德不在
力

穆案此後數年侍郎奉
母夫人諱在籍無詩

程侍郎遺集

卷三

八

是喜齋

道光辛卯年十月三日自秣陵買舟北上王益之
將軍餞於石城門外時梅伯言郎中汪鄴樓上舍
許澹居鍊師適相送將軍邀共談讌賦此寄益之
將軍兼柬伯言鄴樓澹居

石城雨晝寒煙昏壯士十人舁大樽綠幘傳鞞羅炙燔
將軍華服來軒軒我時艇繫青松根三客送我紛勸飡
我隨將軍駕短轅三客先入纏裘門郎中的是都官孫
羽客乃稱赤斧尊汪倫話別殊消魂黃馬之辨炙輮髡
有詩都向將軍論斟雉在俎芼以蘩釀醴在醞盛於盆
詠調醉呼墮崑崙三客俱醕一客餽時伯言病新愈
戒不飲獨食粥盡

攪離思歸虛渾憶會高宴謝傳墩將軍指聽青溪喧謂

牛山寺即謝公墩青溪一曲經此寺久蕪

與詩夢相吐吞我道卽是南塘園

將軍兩世葦而新之今春召飲於此春月褪碧成秋痕且復雁叫蘆花翻

將軍一歎驪歌敦三客握手相觀覲我乃浩吁白其原

昔也三釜逮親存負米則勞意則溫今也南望徒煩冤

有草莫報春暉恩縱然天衢許小騫湛露難甦襟背萱

况乃不材嗟液橐羣友際此當贈言無使數數不憚煩

用王良傳語棹逶迤兮統續緡欲去不去雲水奔何年再賦

角弓反記否白門烏榜村盛哉此會其毋譏

程侍郎遺集 卷三 九 楚喜齋

憶昔石城艇子窮清遊筇將直指白鷺洲王郎放歌邀

我飲醇酒夢醒乃在江聲帆影之高樓王郎謂竹嶼都轉夏漲

入戶雲浮浮酒人畔散如風鷗邇來輟道石城外新寒

噤啞侵我木棉裘打頭風裏人言愁攝山之行勞夢秋

祇恐蘚蒼石古經雨滑况復三神離合波悠悠揚風作

詩散百憂吐屬高雋神明適金焦一瞥便分袂劃江不

許幽人留何如高唵米船且沿流

雨盛不果遊燕子磯次楊子堅韻

江干青楓化爲霞秋水以外皆春花中有一磯挂林杪

道是銀漢飛來槎撐突萬古礙星月嘯呼六代爭龍蛇

峭壁垂雲幻錦繡叢橋似戟紛杈搖搖幢風佛倚閣
渺渺廬雪鴻爲家昔遊正值夏綠裏時有好鳥銜餘葩
今偕詩仙蠟雙屐謂子堅先喚漁父同杖拏誰知冷雨鎖

荒寂三日都打迴風颯颯燕尾不可見攝山一角沈
天涯詩仙不到山不綠得無象車不受誇君乎琢句苔
石破我亦題竹風鴉斜

江擁頽沙沒舊蹊風排積潦破芳畦今秋蟹稻幾無種
來歲蠶甞不可齊敗柳人支殘瓦爨荒蘆鬼守亂棺啼
沈陰愁殺天邊雪眼見單衣化井泥

程侍郎遺集

卷三

十

登喜齋

貂裘歎寄謝戴子宜郎中

貂裘遺自先大夫先朝雨露膏且濡問年兩倍晏子
狐似貉非貉烏不烏然猶屢抗風霜麕皮之不存毛附
乎我亦簪筆形廷趨疊拜官錦紅流蘇帝念近臣
昔無襦特賜豐貂殊麗都歸喚細君莫辟纊裁以金
翦量以扶亡何細君病且枯無資可買南歸艫乃懸其
裘善價沾有客斗角黃金甦急送妻樵返舊墟譬以此
裘畏伊軀伊念我寒夜或呼我罔聞知淚映矐後奉

簡命涉雲湖有友復贈貂襜褕三拖受服古所吁三反
不受留其壺仍然一鞞混虎踰顛倒紫鳳拆海圖後又

拜 恩賜諸子謹獻北堂暄栗膚連年衰素衣敗帑鷓
鷓典盡蒙茸無一昨渡江將北驅道逢心交憫我瘖解
衣衣我珍裘幙外文內勁毛豐腴慶雲彪炳晴虹紆曾
與上公龍卷俱再拜三歎感黃墟必值盛誼乃曳婁馬
卿詫好王恭盱上朝玉皇翔天衢下貫美酒亦時須因
思得裘何其劬十年一鵝未溼味從今雪花不上鬚都
道握懷辟寒珠遺簪墮履志莫渝緼袍猶是當年吾

雨盛不果遊攝山答楊子堅

有約不遊棲霞山有酒不酌明僧宅濫巾草堂已二稔
遍踏東阡與西陌如何不登最高頂一眺萬里江天碧

程侍郎遺集

卷三

十一

登喜齋

山中幽客屢招我我欲被褐振金策忽阻夏潦莽無路
遂令哀鴻滿其澤啼饑聲苦佛鳴咽洗盃人多鳥狼藉
祇今黃霧鬱如夢疑有嗷嗷首陽魄大風吹帆不得泊
珠浪拍天才一白神仙樓閣鑲雲表紅葉徧山無鶴跡
曲碕小港涓涓去但見扁舟盪詩伯時子堅先泊棲霞港相候何妨
他日看不足已覺此行殊可惜不圖鄭監流民狀乃著
靈運登山屐

邦溝舟次寄別葆逸舟觀察

觀察古君子方寸特仁厚世變能洞悉否臧不挂口敬
慎了公事瀟灑對心友既戀山水際復愛文字酒托身

雖朱門不貴印如斗襟抱似秋月以虛受萬有款款朱
絲琴豈落第二手

于我有夙契示我出肺肝知我至委曲爲我謀艱難我
劣聞道晚君以國士看深信遂移性投藥亦獲安月飲
更詩飲絮語到夜闌忽然几席近忽然海天寬三日不
相見輒覺思覃覃卽今遠別離爭禁淚闌干

寒月照舵尾江水日夜風驚起雁失羣擾擾蘆之叢有
客正懷舊不昧聞霜鐘歷歷遊宴跡沈沈白雲封何年
更何地嘉樹吟角弓獨有五君詠依然圖畫中

謂五客
小集圖

寄別林方伯少穆

程侍郎遺集

卷三

十三

楚喜齋

方伯掇荒富奇策至今吳下稱仁賢嘉聲隆隆徹

天聽凡有艱鉅君其先斗維四郡水湧潰

江寧鎮江
揚州淮安

餘年來無此愆

帝咨寶臣汝速往君乃猛駕金河船

君自河南方伯調
江寧方伯乘黃河

船駕麥豆並
瀛眷同下

連檣麥豆載俱下秋汛方毅強弓弦彥道

尙伴咏米舫梅妻慷慨輕濤淵雲鴻有信萬民喜窮鳥
待哺千吭延入境遑遑不暖席料民審戶籌金錢手書

疏草達

當寧

絲言獎詡臚句傳江南粗定撫江北

江北謂揚
淮兩郡

直躡東

海尋桑田一夫失所

聖懷歎千里如見臣心過詩書愈飽才愈壯千辟萬灌
成龍泉涖官行法用剛斷徇知恤舊仍纏綿每當案牘
堆笥束輒展書畫羅青氈謂以古香散壅滯神明濯後
亭亭蓮况復腕藏右軍鬼定招判乞張公顛我渴憶君
君憶我十年不見殊欣然鏡中鬚鬢各蒼艾酒畔談議
猶清圓十年隔面會不十我其慢懶君胼胝卽從京口
赴末口備聞竹馬迎旬宣君來弭節慰窮餓全活奚止
恆沙千我別君後君不日亦
赴揚淮一帶辦災盛名遷地定一轍好事入
手求萬全我材瓠落不適用三食奇字何能仙况今乍
程侍郎遺集卷三

三

程喜齋

失慈母教瞿瞿以後茫茫前生逢
堯舜不敢退欲以孤介行其顛箴砭吾過賴良友自顧
不見伊可憐贈行已貸監河粟結意復授明珠篇山水
清遠難爲別且未暘開文酒筵它時神馬儻相值一笑
先拍洪厓肩記取石城兩槳去小春踈雨芙蓉天

題林暘谷年丈飼鶴圖遺照

眸子激明骨相清綺年文筆早知名六經貫弗尤耽易
先生尤邃易理繪取中孚子和聲

海山清水自生肥養得車輪玉雪衣天下共知鴻鶴舉

謂少穆夢中親見鳳皇飛中丞名號與
孝穆有關係

仙糧分罷劇蕭閒看竹尋梅偶啟關但看南飛不西笑
九重拈出六朝山方中丞陳臬陝西時太翁不就養後乃蒙聖恩曲體升任江寧方伯以

便板輿之奉太翁欣然就之

八十矍翁尙苦唵雲車霓旆印仙心人間欲識林君復

合向江郎石畔尋太翁望江郎石詩云霓旆兮雲車仙之人招余竟絕筆于此

菽水長留勝鼎鐘翁句枯魚銜索感無窮十年一樣孤

兒淚付與蘇耽叫朔風澤與中丞先後銜卹今皆鮮民傷哉

高郵湖卽事

巒社湖中弄明月一彈指頃廿餘秋憶廿年前曾以扁舟過此湖大

珠已別孫莘老小令空懷秦少游紅葉打頭何處樹白

程侍郎遺集卷三

七
堯喜齋

鷗飛盡一扁舟而今重憶任公釣知有潛蛟伏巨湫

撞破仙人碧玉壺顛風一嘯萬家無本年六月中秋馬棚灣決口數十丈

難將剩粟償饑雀賴有長菱揉餓夫時與工人夥以工代賑東海

波臣眞蹇蹇西山精衛亦劬劬兩番毀擣春容過始信

回天

聖德懔今年春夏兩次洪河異漲水高一丈九尺餘高堰幾決幸西風每發不過半刻非聖德併懔

何能神異若是

題張芥航河帥願遊第五圖 天台觀瀑

吾聞治河青玉書藏在珙岑珠岫雲煙間神禹拜後蒼

夸還會稽宛委秘已出左顧尙有天台山梯巖援葛欲

到不得到但見飛流千丈倒挂銀河灣劉阮姁兒女
顏那識雲華妙用芙蓉冠

雲華夫人
佐禹治河

延州大帥負俊氣

丹壺熟讀疑叢殘心知碧林玉闕有緘蘊足跡不履神
其慳願遊十圖浙得三雲將拊髀雀躍終盤桓天姥之
夢已飛度少文有畫先臥看吁嗟乎少文有畫先臥看
我亦傾倒與公一賦標霞丹

題張芥航河帥願遊第十圖

輞川倚杖

右丞畫筆照千古以畫點綴成園林况當山水清妙處
一鳥一松皆解音功成身退儻得此綠野平泉皆下矣
誰歟寄托出深意關西詞伯張夫子萬福威名草木知
程侍郎遺集

卷三

五

龍喜齋

王尊大勇東南毗苦心久夢繡衣使赤手能縛巫支祁

天顏左顧見砥柱不到三槐不能去久旅忘家禹所

歎

見岫
嶼碑

那得蕭閒咏芳樹矧今蕪絕藍田莊無地可起

樓與堂問君倚杖定何處門前春水桃花黃

邳州道中

一

十六年來此重過石梁全圯水增波樹如客鬢凋踈早
路似人心坎廩多但使耕桑歡吠畝不勞詞賦動關河
行蹤已踏天涯半豈料羸驂困碾窩

差馬行

王營雇車客欲擇馬牙僧輒以肥應三里涉鹽

風雨河車以舟馬則涸僮以瘦馬涸而過肥則匿之
交前主僕皆不知卽駕以行
書生苦路長差馬願馬良牙僮牽來果肥俊四蹄踏鐵
耳削刃以車伾伾猛且迅馬鳴蕭蕭五鼓渡頭載車以
舟解驂而涸隔岸見馬影匆匆駕車走昨日馬如龍今
日馬如狗主僕懵然皆不知但覺馬鈍鞭絲遲今日杜
而黃昨日牝而驪吁嗟乎孫陽相術流弊抑至此驂驪
甘受皮相死

魚山二絕句

神弦各奏豔歌長佳傳猶留鐵研香西晉才人多似鯽

程侍郎遺集

卷三

六

楚喜齋

不知何事悅絃郎
東潰金隄患最深武皇英異亦驚心此山平後功難已
惆悵秋風直到今

過腰站有感

廿年清議一身持四海賢才到耳知叔子去人真遠甚
房公食鮓最凄其爍金安用羣兒謗投杼終教阿母疑
識到白雞諸事了有誰箏響激桓伊

富莊驛盜警

交河有驛名富莊市廛闐咽衢街長使臣軺車旅贏綱
風宵雨晝行洋洋客舍十漿饋五漿竹肉靡聲燈燭光

大吠不驚雞不荒行者指稱安樂鄉不知誰何齋盜糧
盜匿其室登其牀夜出剽刺刀如霜十五五手戟槍
捷若飛鳥來屋梁束縛壯健揮羸冠恣斂金帛肢篋囊
開門大笑各詡強才隳西鄰又東廂旅人駭鋒跪獻裘
居人糾徒相守望我夢驚覺心傍徨但聞火器雷砰礮
都知錄事紛踞牆各握利刃聲高揚儼如登陣爭堵防
盜殊閒暇行翺鴉投閒抵隙仍相嘗倡盜東矣西攘攘
倡盜西矣東皇皇人聲稍微盜語唐盜何悍勇人何恇
孰主宰是使猖狂我求其故不可詳牛缺大儒且被戕
王鐸盡室皆喪亡吁可畏哉遇迷陽迷陽幸勿傷吾行

程侍郎遺集

卷三

七

登喜齋

况當世平年豐穰青天白日鼠跳踉錦衾肉食狸奴藏
是誰之咎當評量

憶昔

憶昔最高樓温簾夜上鈎清談數鄱桂佳句門應劉老

父歸何遽羣賢歎不休惟餘起草石常共綠苔留

乾隆朝

先君直尙書房寓近光樓乙卯之冬先君

視學山左隨卽歸道山同直羣賢歎息不已

憶昔樂泉西高荷拂馬蹄板輿花底卸紗幔水邊齊

賜果親先拜分甘幼共攜那堪春夜月來聽哺烏啼

道光

戊子之秋澤奉命重直南齋寓樂泉西舫

時先慈尙健就養來園輒令思之如同隔世

憶昔老涪翁詩壇表大風人如秋水白天與夕陽紅自

詡千言得何曾五技窮靈光吾亦仰絲竹擁江東憶左田師

憶昔墨痕蒼雲崖十載強新詩闋鄒魯古賦動侯王桃

實成三竊梅花醉幾場不龜如可錄願獻百金方澤自癸未

春與祁春浦庶子同直澄懷園賦詩至多時左田師常和之又元夕賜觀鏡命作賦澤以古賦獻時賢稱之計戊子之秋壬辰之春凡三直澄懷矣

未題題與琴心無氣與清韻不

十 吾同年友沈栗仲取炎陵旁梓爲琴以予好談琴

理以爲雅似因舉一贈焉予學之三月不成聲

將輟乃漫謂栗仲曰琴理予已得雖不能操縵

何傷栗仲曰凡精微必始于器數今舍器數究

精微譬若舍實踐談性命禪門所競儒門所呵

程侍郎遺集 卷三 六 芻喜齋

也曷囊琴以待知者我籥庭先生能彈而無琴

我蓄琴而不能彈因舉以轉贈以還栗仲之約

于其行以詩賸之

炎陵之梓西澗弦其聲來自秋雲顛秋月泊水水泊天

十指以外皆流泉沈侯鼓琴得琴理不在弦聲不在指

夜深危坐盡一卷其味醴醴與琴似無成與虧彈不成

我欲虛盜淵明聲沈侯輕笑姑舍是不入器數焉識器

數精大弦琅琅老鶴鳴細弦啞啞雛鶴清似斷似續似

欲罷不得罷魂夢已壓江潮行此時無聲有太息天外

鳳皇當戶立香鑪茗椀俱靜好翠竹紅梅各顏色我友

能彈不輕彈神理悉與琴相關太虛惟漠惟澹泊下視
人世殊鹹酸手脩太平潤鴻業只在殿角薰風閒快
雪封條拭琴漆送琴出門杲杲日思君重話寥天一

醜女

井里有醜女七竅俱不正工藏自塞兌媒灼不許偵日
行蒙羈離夜坐背燈檠賦命不窮薄遂得兼金聘其智
昏菽麥焉能庇家政萬人所吐弃野宿不失行以茲結
歡心謂秉貞介性狎習日既久不以貌爲病寸良未盡
昧自照怒擲鏡如何天壤間容有面首倩寧使血嗣絕
不令姬媵并睽睽十日視一手眼弗竟但解判黑白難
程侍郎遺集

卷三

九

登喜齋

免動嘲評旦夕歡意改姚冶鬥華盛百惡盡顯暴厭斥
等梟獍長歎愧其侶投身入深窞
果子狸謝祝蘅畦同年

百果精華化玉膚千狐文采作襜褕深憐諸葛蔑鈞絡
堪歎張蒼肥瓠壺瓦甌松薪差免俗牛刀龜手故嫌麤
昨宵夢到秋山裏梨栗成行兩雨呼

初春澄懷園酬春浦兄見柬元韻

眼昏按字隔甚霧丹黃一錯六州鑄時有凍雀覘新戶
側聞尊師此小佳百年慨人十年樹
聞松亭師在此小
住師前在上書房
而澤所居爲朱
松亭師春浦兄
皆舊遊激懷者請君低徊循故步
文正藤花老屋

過酒我來顧何日了此蟲魚注

春浦復倒疊前韻見東又和

君才洋洋海東注猶復戀此蟾諸顧我憐捷逕徒窘步
夢裏梅花三百樹兩番結鄰桑下住夜看星辰共開戶
有鏡須向江心鑄照徹寒天十重霧

春浦三疊前韻見東又和

殿前走馬拂花霧人道子昂無可鑄獨抱明月掩朱戶
便欲回山作長住誰知上林借一樹天路漫漫此鴉步
君到要津莫回顧河酌忠信須挹注

春浦四疊前韻見東又和

程侍郎遺集

卷三

三

楚喜齋

此間大隱如隱霧奚必躍冶求金鑄奇卉映圖書當戶
君心妙靈無所住翺然文鳳集温樹新詩捷敏止五步
入門大笑君來顧招我駐聽糟牀注

君飲酒温克
喜招人嘗醞

挈眷定居藤花老屋

銀河左界雙栖處三面波光帶茂林馴鹿過山知草蘚
流鶯啼雨覺花深暑天破睡卿能繪遠道衝泥我獨吟
記取歸來柏冬日枳籬藤萼總成陰

和祁春浦兄望雨詩韻

膠水萍殊澀穿衣絮尙狂雷爲風奪響雨讓露專涼但
曝竿頭麥須春石上梁南天尤待澤收涕攝羸尪

未到呼號際先 祈黑蜮祠農情隨地改 聖敬有天
知卜坎將盈缶占雲已蔭著應成洗兵兆早晚待紅旗
奉賀春浦五兄由右庶子擢翰林學士

虞戈流電笑柳筆動 天心豈但飛騰速方期契合深
清神兼卓識密緒發高吟話到經綸際遺編耿獨尋
主聖酬知易親嚴養志難趨公無過舉退食有餘歡永
日君羹美晴空鳳羽寬惟憐老禿筆偏戴遠遊冠

答叔穎兄謝石首魚詩意卽用原韻

江鄉曾小住風味逼春來尺鯁騰浮玉珍鮭聚大雷白
傾鮫客淚紅奪美人腮石首持相比翻成螻螳才

程侍郎遺集

卷三

三

楚喜齋

此品津門貴家家倒酒罌須知吳國鯨能勝陸源鯖白
石何妨煑青莼可佐烹未招鄰父飲聊獻小人羹

偶成

百鳩齊喚雨一鷓獨呼漑天意殊無定雲心未可彈柳
柔風抑抑荷正露團團敗我觀魚興危磯倚釣竿

古意

霧崧復霧崧農人覆鉢甕木稼復木稼達官聞之怕達
官畏死畏失職求爲農夫不可得農夫歲歲求豐年達
官夜夜求神僊

西鄰東禱春浦

三日琢出琉璃天導我遊者水鳥先詩廊步詩倚一椽

夕照送到西鄰煙

先生我西鄰也

與君卜鄰凡兩遷水容山態

都依然只有霜雪侵吾顛登臨惆悵私自憐梅李桃李杏

年復年身非金石何能堅但思善閉遺鉤鍵肯以豨膏

運方穿昔也往蹇今來連東風畫空晴日妍寶釵樓上

通侯眠何如吾儕岸牽船面面見水窗窗圓與君夏約

寄浦蓮恐君仗節帷則褰獨我守此鯢桓淵看取魚戲

青田田君詩三復馨若荃華不繁縟巧不儼郊居一賦

君其傳

過連口

程侍郎遺集

卷三

三

楚喜齋

犬性不吠日嗾者職其咎屢奪犬食食犬急乃狂吼訐

告及誘民憑仗吏爲剖右民而左犬犬怒積益厚食飲

不外索刀劍恆在手惟鹽惟硝磺非儲不能有聞已數

年辦欲備一旦蹂胡爲典牧者蒙耳且杜口

威信在平日不在臨事時機宜在頃刻不在眾寡爲始

雖墜咸池終能奮澠淄或冀寬大恩不責遷延師

犛性慣仇殺必有人與里其人旣可竄其里亦可徙人

里俱不見仇殺奚自起通言必間諜間諜卽姦究果官

爲我用虛實易知彼宜戰或宜撫此間有妙理自古失

機事孟進與畏菟

陽明平濶頭計禽池仲容及受桶岡降幾敗瑣匙籠神
威攝其膽行兵疾于風向欲逞詐力萬死希一功使不
謀畧周反被蝨賊虹所以斬諸生大藤推韓雍

吳君有感

美人一笑千花紅眼波流入人影中人人衣上生春風
夫君畏我錦繡叢噓呵聲咳都避儂恐一彈指傷芙蓉
誰知此志能當熊昨日上堦君帶結今日登樓鳳釵折
何日相逢訴嗚咽

雪宴西北樓

春浦吳淪齋兩同直

程侍郎遺集

卷三

三

建喜齋

指四年餘鴻濛別雲將今日喜搏沙苦祝無分張西屋
臥士龍東家接王陽咫尺地迷界鬪鬪天際祥瑤岫排
玉林銀漢連紅牆賦餅招詩豪脫裘酬酒狂旣呼祁孔
賓復憶斛律光吳子闖然至談笑同藜牀畫出激懷圖
何如負氏莊

吳仲容選詩圖

吳君行政若琢句果力精心不旁鶩吳君選句若選才
廣甄約取能別裁翰林主人賢太守永叔荷花柳州柳
九重溫語慰循良萬室弦歌動星斗簿書如山磨不

磷玉壺秋水擬吾神三生結習愛佳什批風判月書白

雲書堂夜靜高呼嘯都是越儂莊舄調一家選手續丹
黃十萬詩魂向君笑人誇浙派君不膺人訾浙派君不
憑破除門戶還風雅知君是有心秤者

春圃五兄以鷺脂見嗽先有詩來此荅原韻

羽毛脫盡空留翠何處書生可寄籠黑白我無苻朗辨
咨嗟君有右軍風聽經聲寂膏騰睡卻月胷垂自在豐
如此肴烝良不惡於陵絕倒出哇翁

大隄

大隄坦且夸絲湯翼成惟前有蒲輪車後有黃金羈花
天逐隊行夜月無聲馳問誰實築此前人好爲之連朝
程侍郎遺集 卷三 西 楚喜齋
剝猛雨積潦東西岐淺者生白窠深者化污池問誰實
修此袖手無人口吾恐弃弗顧遂壞不可支苟有荷甬
者當往助其疲

澮水放舟六十里至濠港作

夏潦潼激涂軌壞板橋映空去如芥騰波欲躍馬足汰
亭長搖手館人戒曷不乘舸下澎湃惟子素慕五色澮
一棹闌入琉璃界水絳風裏白鷗外飛墮遙天一峯騰
愁霖廿日宇宙晦安得殷紅夕陽曬可憐篙底豆田大
白梁雖成未卽艾去年水厄感凋瘵冀今秋熟乃償貸
旅人三祝 遠退誰知鬱雲漸破碎烏有晴聲松有籟

卻歎湖船卑且隘人坐匱底仰啟蓋良朋促膝話儕輩
喜其遲放惜其快忽聞騶從聒叢蒼昇者紛紛促行旆
回顧帆影失前瀨拋簸又走泥塗內

傾城

傾城一笑玉無瑕慣作新妝惱孟家纏帛織織輕采鳳
翹鬢楚楚幻靈蛇但教翡翠娛蘭腕莫使蟾蜍蝕桂華
一樣笙歌明月夜南樓蕭寂北樓譁

廬州吟

廬州淮以南第二重鎮也其地博大爽塏有山
不當孔道有湖越在偏隅是人事必爭之地而

程侍郎遺集

卷三

三

范喜齋

非天險不可度之地自來兵家談阨塞往往以
廬爲天險非未曾目驗卽相承剿說耳作此正
之

有山不當孔道阨有水越在東南隅北來不及濠若壽
南走僅恃桐與舒頻嗟千騎飛入境復恐萬艘直擣湖
自是戰地非守地以戰則克守則愚

壬辰五月十七日臣恩澤典試廣東時方需次未

與考差出自

特恩感而成賦

方慙東郭未吹竽誰料商邱竟索珠一釣六鰲憐力薄
十年二賦果心劬山中玉棄諸生泣爨下桐焦 聖主
吁試讀遺賢 新詔語吾儕何以荅唐虞

易京懷古

京憑如礪築崔巍女使傳宣鐵戶開忽見梯衝天上舞
不知樓櫓地中灰謀身那及田疇固剗險須教石虎來
既讀兵書還避世癡兒徒抱自焚材

程侍郎遺集

卷三

三

龍喜齋

易水懷古

有勇不能神擊刺非所詳吾恐魯句踐不過秦武陽既
稟神勇資擊刺必其善吾恐百鹿盧不敵一句踐藥囊
提匕首一足廢鹿盧誰謂老荆卿翻困夏無且將軍已
冤死督亢安可復何如高漸離從容一錫筑

苦旱

三月京畿一雨艱陂塘成徑井泉漑庵風卓午蒸炊熱
重露深宵噤啞寒海畔乖龍呼不起潢中女魃怒相干
祇今處處皆祈禱活我官羊不忍餐

京南一帶亦旱因屬地方官斷屠使

者亦斥絕

肉食矣

杜癖與和癖於人了不同賢王聚書富姪女數錢工靜
日管弦語寒宵剽掠風我會逢盜跖幾爲舊瓊窮

去冬富莊

驟盜警通夕不寐

素食

家貧不能辦素食食鮭乃有二十七爛蒸鷺鳴是瓠壺
拆煮牀簀爲花豬生耳唐園負此腹每喚周妻罷何肉
況當炎暑騰騰蠅蝸集縱有侯鯖亦當覆緞甸以南數
百里土渴風漑井無水已聞解禱動閭閻應使腥臊斷
刀几吁嗟乎使者旣無段公術又無束生香坐致甘澍
程侍郎遺集

卷三

七

是喜齋

東阿道中

陶邱荷澤都無涕賸有安山一道清七十二泉連趵突
伏流何處不分明

舊縣

穀城古且秀面面好山遮立土墉千雉清陰蓋九葩車
行深巷觸馬踏亂流斜猶說檀公壘虛糧斛萬沙

阿膠

沛南名士水天外鳳皇膠古有生金用今爲敗鼓涓傾

囊殊黯黹款戶故喧嚶安得書三券來占鼎六爻

東平州

節度天平古鄆州中都亢父望中收西馳宋汴無關隘

南下淮徐等置郵蠶尾山前雲似夢虎頭崖畔雨成秋

我來一洗呼號耳

入山東界
雨甚調

鬱鬱長稻已没牛

汶上道中

俯入一村綠倒涵雙沼清燕披松雨屑鷺助葦風聲瑩

石新場圃豐碑古姓名遙憐牽挽處五復正縱橫

開河
水少

牽挽
不易

途中有以姓名不見

朝籍爲問者作此解嘲

程侍郎遺集

卷三

天

登喜齋

露坐占星客有疑異哉象罔竟何之百官表上公亡是

八月槎頭某在斯敢署玉皇香案吏應吟賈客木棉詩

豈知僕僕羣僚底寒暑都無休沐時

魯道

嶽雲樓畔館花妍說水橋邊墨刻鮮胡祿獻漿才一面

林宗埽地又經年

昨冬
過此

綠陰深巷童爭果夕照高原馬

急泉猶憶計偕奔走日柴車茅舍雨如烟

彭城

山環如瓊水如弛繫馬臺邊儼望思孝伯語言張暢荅

佛狸風采寄奴窺江淮遠帶真屏幃楚漢交爭古奕棋

不道昇平全盛日隄防黃汎抵雄師

從來治劇用蒲鞭坐使清風滿市廛捍水大蘇通上策
馴兵敬德握雄權卽今城角交流處終古樓頭兩賦懸

我欲輕舟看飛沫了無忠信涉濤淵

謂呂梁洪

宿褚莊作

宿州所轄驛

辛巳五月杪奉命使西蜀初握衡校枋且喜且畏縮
退食告慈母慈母歡意足屈指不十日便欲膏棘軸呼
兒整書筴飭婦理箱籠婦亦粲啟齒扶病爲檢束強起
頭涔涔弁行足踣踣俯歎病漸深仰歎我行速血敗內
風發歐噦幾絕粟帶孔日以減消到臂上肉我時迫事

程侍郎遺集

卷三

三

草喜齋

冗于緒擾心出偷暇議方藥醫屢已滿屋真元浸虧損
漫芟豈能復母亦知疾革私冀鬼神福對母我佯笑背
母我潛哭茹苦二十載痾痛相育鞠一旦小騰翥棄之
若轉轍卿患自易瘉我訣胡太酷卿言初奉使無令簡
書促我病儻不起來世再相逐卻嗟堂上母何以慰幽
獨怪哉造化弄病者漸清淑神斂形復振食飲能到腹
其日六月八車脂馬翹陸其時雨如注病者卧甚熟三
喚不一應一別兩黃鵠閱十有七日我出井陘谷夜夢
尪羸妻握手話顰蹙似屬慈母老鸞膠必當續我覺淚
霑臆卿豈返仙錄誰料卽諱日從此奠羹粥彈指十二

載封軺又南服六月十七日我在褚莊宿張觸昔年事
淚若雨瀉竹人生情難割死與別相屬忍死不惜別其
意殊慘毒死究不可忍別亦莽難錄年來心力憊實爲
感風木老母健存日事事可欣祝今母棄兒去如夜失
其燭不敢負所學焉敢覆公餼上思酬 聖恩下欲被
邦族尤當薦賢哲以備荒歲穀區區兒女懷擾擾風中
燾用韓句曉月吠村犬暑幄舞檐蝠僕夫起芻秣明日又

山麓

愁澇

去歲瘡痍猶未復今年穡事可憐生眼看嘉穀高低熟

程侍郎遺集

卷三

三

望喜齋

心折愁霖日夜傾三伏赫曦蛙叫斷一天秋思鴉啼成
不應空際江河注似有蛟龍鬱怒聲

旅困

泥行無輜水無舟一任肩輿莽泳泗欲逐東游雲將速
翻成西域賈胡留公程刻日奚能緩凍雨懸河且未休
最是漏痕催客起三更不韞卷衾裯

旅愁

僂民昔行役慈母虔祝天飄風暴雨會有時無使子季
逢其適母祝甫出口兒千里外身安便兒今行役無母
祝舟困於水車困陸困極呼母母不復深恐迷陽刺吾

足吁嗟乎豈無妻孥祝紛紛不如吾母一語神

渡淮卽事

汝穎沙渦競短長
還收睢澮五文章
遂磨洪澤而東鏡
似築深江以外牆
天際數峯眉嫵翠
中流一畫墨痕蒼
卽看歌舞雄都會
何處風雲古戰場

臨淮曉發

糝地輕黃沙似雪
蔽天濃綠柳如帷
畫橋東岸空明水
多少英雄照鬢絲

途中有懷邢氏園寄醴泉竹心兩上舍

表裏皆秋水
涼西復榭東
竹間鐙火碧
花外月輪紅
枕

程侍郎遺集

卷三

三五

喜齋

簞通魚夢茶瓜付柳風
尤憐老昆仲清絕讀書窮

愛畫迂尤妙能詩麗
乃才三秋率爾會二仲
闖然來謂

惺垣楊子堅眺遠連縷做談幽
密室開時聞笙鶴響西畔卽

蓬萊

西畔卽朝天宮

十圍秋影窳

水榭

一院古香多老桂人語穿楊柳樓陰壓芰

荷塗雅翻賸墨繡佛卷輕羅子常作書最愛新黃月全

家俯夕波

文讌推前輩華堂雪爪痕
好花圍竹肉嘉樹覆兒孫
媿

我依鴻廡

子去此園時榜其亭曰賃春

攜家隱鹿門主情深似海三

歎卻離尊

溽暑愁霖際封韜晝夜馳壤垣無可館唾井亦須厄馬
首多鄉夢烏巢感故枝何時酩酊醉重造習家池

所見

土阜相望五里餘劇驂午午樹疏疏羸綱月壓柔紈篔
帆布風隨大木車井幕有人喧甕盎戍樓無卒裏籬條
可憐茅舍明才啓已有村童朗誦書

留與合肥城外別家三弟惠蒲

金斗城邊路先人有舊蹊

先大夫少時依合肥令張蓀圃先生讀書縣衙

聯牀

非意料騎馬又分攜

恩戴三山重文愁五色迷歸途

傾菊酒重聽汝南雞

程侍郎遺佳

卷三

三

喜齋

有饋生鷲者積至五不忍殺撤棘後送海幢寺養

之作詩賸其行

舒鴈腴於食稻鳧庖丁厲刃正相呼定知不殺非無謂

留與人間逐短狐

聞道禪關闢大千浩然生氣貫南天依稀曇曠村邊路

一盃清齋五夢圓

雲飛水宿恣長鳴豈料來支鎖院更此去聽經還聽講

好脩來世作書生

石華勉士兩學博拏紫洞艇追送於海珠寺畔設

飲談至三更許乃別

海珠石上攤星飯愛此南溟未易才一見渾如舊相識

二年前已夢飛來予主席鍾山忽一夕夢游海珠寺文章遇倍頻看劍

翰墨緣深數舉杯良夜三更風露白尙疑身在越王臺

謂前此看月之舉

姊妹花

順德縣女子往往不嫁聯三五姊妹行樂自如

雖髮白猶處子也

姊妹根姊妹桃葉東里西鄰采香妾聯成一氣同心花三

十四十無夫家不徹環瑱亦不嫁鳩媒造請必遭罵每

當秋月春花六踏歌聯臂來闐闐拾翠嬌慵大隄上彈

程侍郎遺集卷三

善齋

棋放誕雲屏前陌郎相戒不敢顧恐受指爪空中鞭翻

嘲陌郎馬如狗閉置車中作新婦參軍鍾氏詎能遇道

蘊王郎隨地有君不見六女竈下養三妹青溪姑五家

合隊如貫珠一雙擁背同瓠壺修到果州寒女謝自有

雲中鸞鳳迓

舟過泰和喜晤攝令張南山同年邀登快閣歸飲

於衙齋別後得詩四首奉寄

十年睽張侯一笑登快閣渾忘別甚速且述相見樂出

處憂患際耿不廢著作必逢斲聖質急告不待索長筵

爛漫興良夜深淺酌莊語間諧語思之恍如昨續歡在

今日今日日又落下有東逝水上有西飛鶴

海南五色羽縛爲君子筆如何署紙尾祇合畫雲日不

讀城且書焉知堯舜術君相識其循楚滂撫忘逸

君任黃梅

時辦水災極妥善

小試步文節江月照萬室快閣六百載魚鳥

又聾耳卻顧名山藏著書比於櫛高賢羅滿堂夢寐拜

甲乙

君輯國朝詩人徵略先成六十卷

長年狎驚濤厥舵不在手却使制奔馬馬亦馴不走才

高百適用慎勿掣其肘用小不若大用新不若久赫赫

未一舉斷斷已衆口毋被宵小測必照罔兩醜干譽定

無譽含垢實灌垢古大有爲者敝屣視印紐

程侍郎遺集

卷三

音

喜齋

初筵劇快意談論出肺肝燭至促客行沙水舟漫漫一

夕償十年求友亦大難狷性慙心計勢交多面歡況乃

道蕤契植根天地寬神劍飛合時重取焦琴彈

分年機女

天孫親付九張機手爪纖纖任意爲左顧鴛鴦裁錦捷

南飛孔雀織縑遲當窗恒斂千金笑掩卷羞看十索詞

何事樓頭聞太息昨宵弦管嫁妖姬

市娥

彈箏跼屣上高堂墮馬鳴蟬門異妝水畔洛神留后羿

圖中天姆教義皇媚人嶺表收奇藥獻客江南解玉璫

卻笑西鄰蓬鬢女五更寒月照流黃

過桐城憶羅子銘詩以代柬

憶我天真友披猖老未休有書娛寢饋無路取公侯性
厚肺肝熱言迂枝葉稠鹽車嗟力瘁猶為百寶留

衛虎顏如璧袁羊氣似虹阿溲年少日醇酒婦人中博

雅恒驚座疏狂慣惱公邇來消滅盡久旅一鐙風

九日登高會三年一瞬過君前年訪我於鍾山書院時值重九登翠微亭一敘舊

琴幾欲尅新劍喜重磨鹿起遭逢易桐城為往來孔道君在從陽距桐城

不鳩茲問訊譎時君往蕪湖鯉魚才網得珍重寄江波

南海求珠去未夜光旅愁疴且疥子去時病疴歸途病疥故

程侍郎遺佳 靈 喜齋

態醒而狂朗惟元度闌風感孝章何年更何地重話

打毬場問 重陰

沈陰不散地埋憂冷雨三旬苦未休幸不侵陵農事晚

已難消受旅人愁蘆花溼處哀鴻泣蕉炬炎時凍雀投

却詫北風如虎怒盡吹清淚落南州

夜聞鬼車啼有感一友

天畔笙簧旋其聲清且圓方士聞之喜欲顛云有仙樂

迎吾前九首復九尾厥狀怪且詭兒童聞之振犬耳云

有黑祥將降矣徵諸古童謠鶻兮更鴉兮久雨必西鶩

久晴必東栖載鬼盈一車其說無所稽徒以八音繁會
十脰奇耳目之內紛見疑如何尙作摩雲嬉勸爾潛形
伏海島無使吐哺相公對妖鳥

木冰

乾雪不封條溼雪常裹樹冰崧散作千林花寒氣蒸成
百里霧日出團團雞子黃重雲渲染素月光遠人遠馬
一瞥過如夢如影空中颺吁嗟乎三旬冷雨茆檐凍薪
米都無腹空洞憑仗來年覆飯甕

過臨淮關喜晤鳳陽令廖君達

名大門

我獻鳩車始君登虎榜初

君爲先大夫王子科典試所取士時余方八歲

卅年

程侍郎遺集

卷三

美

壹齋

慳把晤一見重踟躕俊鶻盤拏健文珠表裏虛循聲符
衛颯英斷奪裴諤尙困仇香棘誰題仲舉輿老成多策
畫清望謝吹噓使者歡傾蓋高明笑執祛燭筵紅爛漫
雪徑白開除民瘼如飢已雄談實啟子恭聞九折臂勝
讀十年書逃矣師生際傷哉父母且後堂彭子佩高業
魯君魚感舊烏烏笛懷歸得得驢求珠會嶺海弭節又
淮徐積潦前乘輻荒流此杖擎

六月過此大水頃水更
大須乘舟由淮入沫口

情深盟古井別速指邊廬黃海思招隱桐鄉已卜居

君

惠政於桐城
因卜居焉

歸耕吾願果相約帶經鋤

定遠道中過雪

木落淮南雪已來平原一尺豆稽友混茫雲欲排山至
料峭風能勒馬回莫歎茆檐薪似桂且看金井麪如堆
征衣溼盡渾難理自擁寒鑪啖芋魁

過舒城喜晤曾望川同年爲題尋春小照

雪中羸騎暑中鞭孤負尋春爛漫天誰似能詩曾子固

眠花躡柳十餘年

望川歸田已久

七旬風骨尙清翹燕玉周妻兩寂寥自是人間仙鶴下
不知世有阿龍超

老圃秋容擁軸邁一尊相對快如何往來數數吾能事
只恐王良負友多

程侍郎遺集

卷三

毛

登喜齋

淮漲

淮肥交漲澤陂連一碧混茫直到天翦翦鷺行風外絮
團團雅點樹頭煙梁稽墨立魚鰕聚柳頂平髡荇藻纏
莫詫天寒波不縮洪湖近欲塞爲田

河決

決於人也有陳端者瀕河田冀成上腴夜集千人舉耒而河遂決

有人夜半決金隄坐使黃流改舊谿河伯已眠驚欲死
愚公此舉太無稽誰能糾合千夫耒只爲膏腴六斗泥
壞我濯龍淵欲盡長淮東注溢而西

淮漲

君不見浮山作堰遏淮水鏑鐵欲錮蛟龍門一朝浪破

上下格東數百里雷霆奔胎簪之水性慄悍其力能刷
金河渾重防壘障苦束縛有若熊虎馮其躡誰歟口腹
能吐吞龜山下有洪湖屯近因轉漕用厚灌漑黃舊路
幾無存宜其高堰歲欲潰億萬命懸消長痕泥沙日塞
湖日督偏仄已到鮠桓潘今秋黃決入湖去河伯欲與
支祁言上游潦積等溟渤以舟闖入蘆花藩窮一晝夜
甫達岸云此卑淺無足論中流卻顧渺瀰處翦翦尚露
黃梁根老漁遠近布置網農父逃竄攜兒孫側聞激流
埽濁昏昔何如蓋今如盆轉禍爲福悉天幸 聖德廣
覆流仁恩重臣新奏治河策星使落繹窮根源竚看黃
程侍郎遺集 卷三 三 登喜齋

順淮亦順水歸其壑稼被原蠙珠可佩魚可飡不須春

漲愁昆侖

海鶴

海鶴排雲矯不羣其聲一一上清聞常嗟隨陸不能武
莫效王揚空屬文醉後短衣堪射虎時來羽扇亦揮軍
清談隊裏排矛戟鐵馬叢中說典墳

北沙河

寒山碧於雲朵朵落平地清流帶沙渚冰雪結其裔馬
蹄波離風人影鏡面字稍稍涉坡陀悠悠緩征轡忽見
西歸雅萬墨涇空翠枯柳抱村紅中有夕照醉

所見

奇肱之車渥洼馬羽林孤兒快飛者黃塵合處夕陽下
一隊鷹鷂落平野弓如霹靂刀如風舉刀一劃百里紅
草閒孤兔那足射欲斬六鼈滄海東澹臺古冶能屠龍
壯夫豈畏波濤洶勸君痛飲荔支酒睡過重洋莫回首
旅壁有題曰秋蝶夢春花惜詩未佳作此和之

依舊好樓臺繁紅寂不開舞衣休再著團扇苦相猜花
月三生忤風霜兩翼摧昨宵曾夢見歌管送春來

何堪

泅水仍飢已不支何堪風鶴益危疑盲來差幸駒生犢

程侍郎遺集

卷三

五

程喜齋

嘯罷深憐馬踐葵荆棘旅生何術翦珠犀夜饋有天知
听听多狗昏昏獵絕倒支離攘臂時

程侍郎遺集初編卷四

粵東雜感九首

嶺海中間起奧都水深山峭土豐腴萬花界斷空明鏡

百寶鎔成造化醴常隱諸星懸戶牖嶺南近南極南極高故常隱星可

見飛行十日抵津沽謂海船往來之速從來饒有衣冠氣配得

繁雄楚蜀吳

一從陸賈侈歸裘卷握都夸世富强有客媚川歌得寶

偽劉置媚川都為採珠也何人臨浦復沈香海邊鍊颺時掀屋林外

金蠶夜吐光更有瘴雲渾似瘡能教俄頃變炎涼自陸大夫

後入粵東者皆以寶區視之故天時人事日變日非

程侍郎遺集卷四

一 龍喜齋

家藏洋鍊鑄精兵耳熟春雷動地聲傾里交鋒官走避

借軀償鼻鬼光明盜來清晝商幾斷白日劫劫到高年夢

亦驚劫價人取贖古有帶牛成美政今無乳虎立威名

豐趺凝雪錦鞵圓盛鬢垂髻翠鳳偏素女圖開花蹀躞

念奴歌起玉纏絲謂木魚歌驚波不撼鴛鴦舫謂沙面定舫斜照

尤明孔雀船昔之六蓬船有緝孔雀毛作蓬者豈有芳尊藏酖毒果然

華屋豔神仙

外藩吉利最雄猜坐臥高樓互市開有盡兼金傾海去

無端奇貨挾山來五都水旱多逋券近來吳楚水災洋貨滯銷羣賈

雍容內乏財祗合年年茶藥馥換伊一一米船回以茶葉大

黃專換洋米不取奇貨計之上者也

天生靈草阿芙蓉要與饕餮競大功豪士萬金銷夜月

乞兒九死醉春風粵鴉煙遍地雖乞兒亦啖之香飛海舶關津裕力

走天涯貨貝通抵得膏騰兵燹劫半收猿鶴半沙蟲

一酌貪泉百惑生縱然才智了無成外夷只識珠犀貴

廉吏須磨斧鉞行不解鳥言空聽訟未窮蠻狀漫談兵

須知仁獸當關臥多少豺狼總禁聲

經生詞客兩無儔學力天才老未休直以淵源窮馬鄭

卽論文藻亦曹劉尙書履去弦歌在阮宮保開學海堂至今學者宗之

學士甄積俎豆脩惠牛農翁覃溪兩學士想見人心醇懿處必逢

程侍郎遺集 卷四 二 龍喜齋

賢吏苦遮留粵東吏治民風稍滴惟士氣文風較前日進

新橙甘比張儀舌香荔腴子合德肌天與芳馨都是福

我來遼闊不同時越王臺上雄看月帝子峯頭靜賦詩

清遠莫笑籠中無長物文章分得鳳皇儀時歸裝帶有羅浮蝶蘭數

展重九日吳石華曾勉士兩學博招子遊白雲山

飲於蒲欄之雲泉山莊時陳範川李繡子兩山

長山莊主人段紉秋年友儀墨農暨學海堂諸

先輩咸集焉吾友王雷州爲繪蒲欄雅集圖爰

繫以詩寄呈吳會兩學博並諸君子同作

蒲澗之水何潺潺虛堂壓林俯竹竿會言人語互相答
祇有魚夢殊艱難左方連籜最幽絕雲影倒地生波瀾
書畫奕棋琴瑟彈孰居無事常致歡我友吳曾兩學博
招我郭外尋秋山云此墨農讀書處儀墨農讀書蒲澗數年主人

自闢詩天寬主人段紉秋開詩社於此酒龍筆虎紛盤盤壺鞦一巡

皆脫冠兩詞垣長肅圭瓚鮑川繡子兩先生皆館前輩五先輩者森

琅玕梁孟侯譚居五君皆海學堂高足也吳喜雄談曾喜默曾如香象吳

青鸞惟子不飲亦狂醉鄉况味清而安粵東風高不

可攀學希馬鄭文揚班思深力厚取舍正盡采蓀蕙遺

榛菅問誰闢此眾門徑有大菩薩臨華壇謂阮官保太夫子迄

程侍郎遺集 卷四 三 翟喜齋

今學海堂上客各秉絕詣窮其端我求明珠向南海離

朱喫詬驚愚頑崑崙第一未即得羊鬚首捋綠希慳子久

慕會勉士名冀此番收作榜首而勉士適持服不應試有友慰子子破顏一網難

盡十丈珊就中瑰璋已不少木則棟梁珍則璫石華之言如此

再傳弟子守師法息息總與師相闢子為阮官保再傳弟子務教

古學不淪墜縱有遺賢心則殫六先輩者神高閒不將

冬烘嘲禮官已試未試悉懣置亡弓得弓俱達觀我失

李程屈方叔未免當食停加餐天乎何為疾我使我

不耐秋宵闌子奉使行至贛州大病凡十餘日至羊城乃漸愈衛校時已大愈然坐至二鼓必昏

睡故心與力多未相副也要當真力彌滿際或可剖石搜芳蘭吳君

嗚噓會君歎

平聲

復登小閣聆風湍大聲驟雨雜琴筑細

響天飈鳴珮環酒餘茶後臥清簟迥入僊境非人寰北

平題句廣陵飯合與坡老同盤桓

覃溪先生有題句阮官保督粵時常在此

小憩我乘筇將上巘岼高窺龍湫下鷺灘白雲庵頭樹裏

屋鶴舒臺畔霞爲欄平生有志泛滄海一望才到扶胥

灣深嗟目力有限蔽何日看盡東瀾漫屐齒瑣瑣林攢

攢夕陽金翠催子還酒星一散不可聚欲乞寫圖楊契

丹諸君有作定超勝顧我先畫穿錐千再來之約指白

水菖蒲增節花爛斑

其盤九疑千嶺請於塞也丞田讀

天南大庾嶺

程侍郎遺集

卷四

四 冠喜齋

天南一角多梅花梅花以外天之涯昔人崎嶇踏雲霞

今人傳車從玉駟誰其鑿此張子壽誰欲塞此丞相嘉

樓船將軍破其瑕橫浦一入無留遮

橫浦關在庾嶺上張丞相未開之前

路逕

便向尋陘收輜車伏波乃走桂陽嶠

伏波由郴州黃岑嶺入

其餘遠泛西江槎

下灘水下梓柯江今西江路也

橫浦逕隘蟠脩蛇嘉

不能守覆厥家子壽披叢闢磴道意令風氣通中華二

蔡瓮石平谿舒

宋時蔡挺蔡抗兄弟瓮之以石

遂使醉步無傾斜自茲

險失文則賒南枝吐芳北枝芽風日晴美停馬搗旅人

羈官忘路遐我來深秋見雨葩喜與紅葉相交加姪娥

障邀一看月霽憲泉畔頻煎茶要當花天臥香雪此福

輸與山樵誇呼嗟乎梅花以外非天涯越裳雞聲如打

衙屈翁山云匡州每南風順聞占城
雞聲如洪鐘自海外悠揚而至

清遠峽詩

自山足登飛泉亭

萬樹裏江水水影萬樹一碧混天地白界一沙路帆
積寺門隱徑轉飛閣互玉聲琅琅然秋瀑疊輕霧僧言
凍雨後雷轟海傾注欲吸人影去行者屢回顧樵苔與
梵語多爲泉所悞晴久自斂抑蹇蹇出深錮小亭坐巖
竇當夏亦寒沍我欲窮其源雲滑不可赴

自飛泉亭登飛來寺

程侍郎遺集

卷四

五

登喜齋

舒州無此奇帝子忽不樂螺旋繫紺綠隼背起樓閣對
面畫屏風濃翠繞帆腳其下瀆湟水羅縠風婉約清晝
斷人跡夜半有笙鶴我盤絕磴上層折剝蓮萼舉頭失
天宇若被竹樹橐揮手擲木葉誤中高飛鵲三休乃至
頂一顧耿相愕竊恐南禺峯復飛入寥廓

道光壬辰閏秋子使粵東旋道出英德小琴詞兄

官於斯例當送子出境因題此卷時在瀆江舟

中

蕭然林下脫塵羈各有名山各主持記取豐干饒舌語

分明寒拾兩禪師

人間之屋宋井古天上之躔岷絡長敷歷一生歸去也
在山泉水依然香

大雪望嶧山湖

清絕一湖水雪來改其色四面白皚皚但覺波影黑平
極一湖水雪來使之高琉璃突中心不關風起濤一繩
南雁拍波急驚起老魚沙上立片帆渺渺何處投已裹
煙雲萬重溼

潮水道中

刻露寒山雪後鋪冷煙晴翠罩平蕪冰花散作千林玉
早浪搖成十頃湖用世豈徒泝澣統持身安得粟株拘
程侍郎遺集

卷四

六

楚喜齋

小梅心驛道中

忽墮畫屏裏馬行何處通一溪當晝雨萬樹已涼風久
暮龍眠秀今知鹿起雄時平剗關隘休說擣批功

題陳登之廢讀圖

名父之子陳登之虎兒書法斜川詩公侯筵上半虛左
夕陽醉墨紅淋漓才人讀書不祈熟鎔液菁華滿胸腹
孤巖坐臥深叢底舉手一揮三百牘阿大中郎半冠蓋
取青紫如拾艸芥豈知東野困一第遂使元英出三拜
長安米貴不易居煮字不飽將煮書入貲得郎古相如

一樣綴組懷銀魚司空城旦乃治術安用惠施夸五車
君不見手判坊州生杜若二十八星笑著作天人科第
爭帖括南華僻書束高閣何如一行作吏猶抱經筆硯
藩溷連門庭老胥持牘雁鷺行旁有煜煜觀書螢

熊躡詩謝許渾生

深叢老熊春脂膚兩展其足追豐狐一矢貫白獵者呼
截所舐掌歸珍厨君從何處獲四扶得非腰拔金僕姑
誰知換羊別有書虞戈所斫銛於獸君書似永興此四扶是以書易得者
餽我五枝紛離如枝經肯繁纏大軋族廬皆云臭如帑
膈之難熟泣宰夫何術揉作龍門酥憶我十載山居初

程侍郎遺集

卷四

七

楚喜齋

混淪無良虎豹都山人縛熊如縛豬其毛蓬蓬畏雞維
以湯燂雞羽剔除持以沃躡去外麤毳脫肉出成瓠壺
皎然肥妍如瑩跌宜著綠屨黃金絢割雞與躡同一鋸
躡則雪絮雞紅鑪我呼廚孃踞竈觚依法淪之姑徐徐
日午香發逮日晡四鄰嗷嗷走韓盧惜哉遠來風戾枯
毛已伐盡髓欲無寥寥數鬻鼎面鋪不分申脰與曲胸
但覺湯味醇而腴急謀山妻酒滿沽老饕一飽據槁梧
手足躡捷筋骸舒我聞館熊不畏貙乃與蟲螫同昭蘇
雞制百蟲如制帑土受木尅良非誣譬彼小狷伏於菟
人氣實能粉犀株此珍來自醫無閭不脛而走玉與珠

土瑯肉芝遜其殊吾于木瓜見苞苴良朋厚贈雖馬車
豈若彈鋏忘其魚胸膈有法我則疏請君更訪鼓刀屠
題勵太守同勳七世讀書堂圖

雜誦聞諸副墨其人寫定斯堂但識夢中周孔不知世
上金張

屋角江流如畫讀書垂二百年樹葉皆成文字蝨魚也
食神仙

華望由于世德循良故是通儒明月一珠還浦春風萬
蝶隨車

舍後池堯蒲塞之見蕪不見水也拔之盡三口水

程侍郎遺集

卷四

八

登喜齋

復澂曠誌以詩

積垢掩皎鏡掩與皎相敵鬱雲壅明月壅乃明所惕湛
湛一沼水莽莽眾穢纂漣瀾日以隘星斗失其磔魚夢
東西隔繩語高下逃秋窮葉易聚春泮冰緩析自非一
旦塞何乃十稔歷我來味虛照喚力急鋤剔承踵若竹
篔飲刃似草壁平剗捲敗席深引拔銛鏑豈惟去蒲稗
兼欲植密菽陳根條已掃細穀靜且暫是日好風至摩
刮光搖錫其暝殘照入渲染采蟠霓招友共垂釣戒婢
勿泝游奴云闊宜泛稚謂潔可浙嗟哉千頃波漫等汎
濫滴今茲鑿毛髮昔也溷沙礫撥雲與濯垢真宰在空

寂還其盪滌性焉用再盪滌

偕溟生侍講遊萬壽玉泉諸山口占八絕

長楊五柞斷還連中有明湖鏡樣圓怪底綠波浮淺絳
樓臺影壓蔚藍天

澄流十二水壘寬宛轉銅溝出上闌和入春風清欲絕
玉笙微喚磬微寒

罨畫屏開黃鳥坐琉璃風起紫鱗飛日移塔轉金鈴語
時見僊雲落翠微

輦道清陰俯綠落鷺羣接翅慣飛來香風百和熏人醉
知有官花萬樹開

程侍郎遺集 卷四

九 梵喜齋

剪剪松陰楚楚山九霞如繡水如環五湖縱有花深處
不在千門萬戶間

稞稻平疇渾似畫魚蝦小市自成闌佩瑱澣女臨流坐
草長鶯飛又一春

同遊龍井斂煙霞洞名也飲清風雨掖茶記與溟生兄同遊西湖勝處淪茗清談如目前事一事輸君詩句好五雲扶出玉蘭花溟生入直後曾

賜遊芳碧叢咏 玉蘭詩稱旨

隔牆欲喚孔賓鷹其奈春眠倦不勝記否春容天語後
平揮紅日下瓜棧春浦兄曾在玉泉山召對

厲宗伯競渡圖為溟生同直題

中唐太液新波起畫鷁凌龍簇金紫千謳齊發萬樂飛
劃破玻璃半湖水 聖人端坐靈芝臺沐日浴月雲霞
隈水馬爭銜九標至海鼇高擁三山來是時紅日正當
午剛卯蠱鍾紛挂戶侍臣獻罷尙書篇 詔聽鳴葭一
聲鼓汝南詞客眼福奇五雲深處窮攀追萑蒲酒綠僊
樂盛拜舞歸來懷玉卮嗟予亦逐豹尾後適持英簞黔
南走水嬉過錦未親見剩有輕羅拜 恩久婆婆娑樂神
年復年漆塗船底能爭先 聖人一笑罷其戲波臣川
后皆恬然堯舜千鍾孔百斗大禹何妨覆旨酒禁中炎
戲斷振童闔海紅塵辭尊首側聞吳越錦繡都亦屏散
程侍郎遺集 卷四 十 疋喜齋

龍門青雀
題陳迺錫先生手藁應陳堯農吉士屬

明詩掃地鍾譚出誰挽積風說建安卻愛閉門陳正字
清如郊島糶如韓

招降功竟謝征輦自檢新篇續舊題筆陣不隨荆棘沒
過江猶見索征西

朝衣已換洪甯九記室空嗟史道鄰一卷谷音留閒氣

湖湘耆舊宋遺民 李子建爲史忠正公記室卽葬忠
正衣冠者其出處與陳君畧同

題吳梅梁京兆傳硯圖

帝選大京兆於此通德門循良太守雜誦孫墨花三世
香温磨果下含飴膝上喜手把毛錐畫池水廉吏無田
只耕石呼出公才親付此京兆詞賦傾班揚爭看落筆
中書堂京兆直聲震朝野多少行行避驄馬作文草疏
都如風敷歷中外通昭融問渠造詣何猛進只在青鐵
磨穿功况傳治譜青箱中河南第一推吳公方當據案
埽庭訟豈意灑翰來詩筒用錢總尹開封事君不見鄧家硯外
孫得晏家硯女婿拭何如范喬流涕受寫名臣心模祖
德模德寫心見梁武硯銘章臺走馬緩緩歸自汲清泉滌殘墨

程侍郎遺集 卷四

十一 芄喜齋

題潘星齋公子蓮塘消暑圖

錦心玉兒公子水珮風裳麗娥應有酬花好句吟香飛
上銀河豈意灑翰來詩筒君不見灑案賦衣

紈扇明時月上玉蘭憑處秋高邂逅采蓮人過須防果

澹宮袍灑翰來詩筒君不見灑案賦衣

霧夕何郎得意初陽謝客論文亦六鴛鴦驚起都緣詩

響凌雲灑翰來詩筒君不見灑案賦衣

臨頓園林可愛鳳池毛羽多聲定向柳陰續夢手磨人

鏡澄明灑翰來詩筒君不見灑案賦衣

詠史一律

廿八華星笑未休如何杜若出坊州人誇林甫真仙骨
客道何郎是鬼幽汲汲成狂幾司馬羅羅相附五諸侯
納涼總愛冰山好只恐陽鳥在上頭

秋感一首

連夕風兼雨烏鳥畫角哀橫餽收暑去辛苦送秋來鎖
院三條燭軍門百道雷捷書期早晚天笑五雲開

贈史荔園中丞

倪寬帶經鋤地東坡識字耕田怪底三秦父老望公如
望神僊

處處杏花菖葉行行清泚冷風斥鹵都生梁稻無人不

程侍郎遺集

卷四

三

程喜齋

頌史公

河內方思借寇黔中又盼來廉公到梯田問俗請看椽
甌織織

題李石梧梧笙吟館圖

綠窗湘管珊瑚架縱不吟詩亦可人何況新篇雙跳出
萬花飛繞鳳鳳身

昔日江干挽鹿車而今黻佩住東華從知白蠟傳觀遍
無限魚軒拜大家

一字師前互推許萬書叢裏共賡酬好憑翰墨和鳴館

壓倒簫鸞寫韻樓

追題心餘先生攜二子遊廬山圖

公是詩流有數人談忠說孝出天真伊誰能賦廬山峻
歐陽有廬山高詩只有蘇齋動鬼神

一門仙骨拜君家季孟元卿隸少霞卻笑雍通黎粟後
但能昇得竹萌車

題小紅雪樓圖

老梅清勁小梅溫付與能詩雜誦孫試看長安諸甲第
榜門多少奉誠園

瘴鄉如瘴困浮家何似藏園水木華飽卽讀書饑煮字
醉來飲水嚼梅花

程侍郎遺集卷四

三 程喜齋

藤花蒸食一首奉春浦光祿

采采供朝食瓏瓏摘晚花淘將金井麪蒸出赤城霞芹
獻深慙薄蘭羞一笑誇時以此食獻太夫人不知新雨後 官膳

可曾加

初夏激懷園卽事

送綠千章合浮花一水回鶯從長信轉鹿自定昆來問
字留僊侶聽詩拜上才籬門蕭寂甚卻傍五雲開

喜雨

聖主咨嗟上帝聞龍星催雨下層雲滋培焦土高低徧
泮散灾黎億萬羣南畝歡聲三輔合西山霽色九霞分

生成一例無甘苦試看籬邊眾草薰

題曹傅相師三老圖

辛丑科三元榜太傅相公天下仰勛崇德大錫殊禮名
位遠駕百僚上班中忽聞輦行呼得非保相德水盧佳
時吉日興莫孤曷偕會點歌風平南城種花矗旌節詩
清文綺出冰雪每從二相索賡和如杜王岑門奇傑我
師視學河南時正值德水瓜代期樞垣綸閣互先後一
雙鳳皇栖一枝我師持觴度嶺嶠其後亦駐南城纛歲
寒老友墨緣古送客虎溪成一笑我師最長精力最有
餘佐機理事恢恢如德水神慧性强記師乃倒誦銀瓶
程侍郎遺集

卷四

十四

芑喜齋

書南城服師詞翰妙洪鑪一鼓出萬竅軍書旁午日就
映搖筆尚答球鍾調偉矣哉文潞公富韓公孰肩隨之
君貺從勳階福壽總第一琴瑟杖履皆春風回思綠衣
少年日玉貌照人如玉筆五十年來一彈指耿耿三星
聚奎壁更推辛丑已前已亥年三神山上三神僊吾親
亦結金石契令我展卷心茫然山公在上等北斗願師
長進耆英酒

辛丑近光樓消夏第一集步邗春浦閣部韻并柬田季

高四兄

樓上月缺復圓樓上人耿自憐風葉露蓋清且妍摩出

表裏琉璃天杜田先生玉堂僊曉窗著書午窗眠文字
之飲不獨酌憑闌呼友賞澄廓十年聚散紛在眼此夕
此杯無此樂雲龍上下會有期難得破暑浮瓜時玉匣
爭誇藥特健是日賞宋拓十七帖及寶晉齋帖 宮袍合鼓簫參差田四兄曉
律就中浴鳧何太喜昨夜新添半篙水就中噪蟬何太

急昔日柳陰今若此

季高四兄以試翰詹舉首超升學士尋放奉天學

政文人榮遇所罕見也賦詩送其行

幾年謁 帝承明廬幾年手把種樹書幾年洵涕伏室

室一日作賦凌空虛 九重嗟賞動丹筆天下傳誦奔

程侍郎遺集

卷四

五

楚喜齋

鈔胥遼陽 帝鄉萃華裾誰其導之成碩儒爲師爲政

本一貫合用文黨兼相如西風冷然催使車高吟直過

醫巫間隼啓博古北肅慎弓衣繡字東扶餘大海蕩蕩

賢愉愉畝圃作岐鳴鳥呼 文武在上俗忠厚春陵佳

氣無時無君率其徒帶經鋤笙簧百家耽道腴儻喜博

觀拓眼界則有羣玉瑯嬛居儻喜射生戰禽獸則有鷺

翎金僕姑居就美糧梁水魚以供名流櫻筍廚不知登

高眺返照可憶消夏僊人壺謂近光樓紅蕖翠蓋遮不住月

躍波底如明珠軒窗快與五雲接風露卻共良宵徂棋

枰未冷香未渝易忽東矣田生俱聽雞騎馬十年事君

去我來三逕蕪子與君同直十年而共事甚少去來若相避焉我思行腳徧寰

宇未軼碣石窺元菟子足跡半天下而未至關東幼安根矩相對語

是為許君祁大夫春浦演生兩先生俱以扈從至盛京即今柳老荷盡

枯送君壺輜酒滿沽祝君學業比韓范豈知文采追嚴

徐將軍侍郎半詞館濡筆合繪登瀛圖便當自署鈞鼇

客一網收盡青珊瑚

喜雨

穀雨未聞雷田田麥甫栽 帝咨參佛去龍喜捧雲來

得酒千花醉逢春萬病回滂沱一晝夜池漲柳毵毵

贈徐樛亭大令

程侍郎遺集

卷四

六

喜喜齋

一部神泉貫斗台趙長君著詩細歷神泉虞仲翔謂其窮陰陽之奧秘免中詩境

豁然開徐氏為詩學者有免中徐公傳魯詩徐敖傳毛詩徐整箸毛詩譜徐邈箸毛詩音徐廣箸毛詩音隱義徐爰箸毛詩音其書與說鳴和豈特高岑調先

俱佚至先生則集四家之大成五七言網佚真同馬鄭才王屋山頭頻弭蓋天都峯頂宗唐音

鎮銜益 九重方獎循良吏看取儒門大厦材

題郭大理畫蘭竹卷應吳大京兆屬

蘭竹書魂魄中藏草隸精妙香無定相斜雨有奇聲作

者郭忠恕珍之吳季英石交胡可得掩卷不勝情

董源下筆傾前哲汪罕工樵絕有神劇愛孤山兩兒子

題畫

萬花如雪舞初春

南齋老輩紛題句臨者無端列上方想見縑緗裁割際

昂頭高士亦傍俚

上方題詠俱是臨本然已爲人截去

阮宮保節相以玉印泥盒并大理石畫屏遠賜感

謝成二章

采玉鍾山隈孚勝理且勝琢器成大圓區蓋掩而正珉
琅四環響切切兩規併用以函芝泥溫潤出華靚月彩
拖霞液其氣自胚孕能助金印芒著楮倍明瑩朝陪姬
公讀夕對謝傅詠如何賁陋宇重寶來不脛繩窮匣旣
解傳看爭揣稱一日三摩挲每捧必端定雨窗無纖埃

程侍郎遺集

卷四

七

楚喜齋

斐几照文繁瓌然美華帶仰見君子性呂刀無此珍郭
筆不能競心印儻在斯笑拊拜嘉贈來不厭騰發匪
物巧不自知大匠器使之心影以類形何異造化爲摹
擬與雅似詞客忘其師一經指摭出宗派岐中岐異哉
石文章有米有黃倪氣韻極渾古皴染殊淋漓蒼山洱
海色粲然明鏡披亦有吳越峯淺騰浮脩睂一經指摭
出小品都瑰奇言石石點頭願爲龍門基

灘上載書圖

累世襲蟬冕家無儋石寄廉吏生孝子孝子亦廉吏雙
親老壽去欲卜爽塏地藉非仁者粟奚以庀祭器粗衰

作書賈一棹走都肆上瀨與下瀨罔極萬行淚但見虹
貫月便識先生至負土竟成冢羅列松栢翠葬錢取書
值清絕古無二豈乏賻賵貲盡卻不爲利至今東平雲
盜然詩書氣豐碑不生金但長苔蘚字

謁明鞏駙馬墓作

在今永定門外里許

傳言鞏侯葬近在南郭外華表兩僵仆虎馬兀相對夜
深翁仲語聽者一古檜人憫忠節魂樵牧戒侵害粉侯
英雄器詩禮雜劍佩巍峩鳳皇樓婉孌皇八妹胸有經
史腴大義述一再追尊建文謚力挾趙督敗其言雖未
用其舌今宛在危乎甲申變動戚半馳背貴主已前逝

程侍郎遺集

卷四

六

登喜齋

子女計五輩縛子女樞側從容理黃帶自拔干將鋒一
劃玉頸碎杜門縱烈焰生死結大塊貞風揚其灰巧與
官火會故應無仙蛻藏在石郭內此葬竟誰屬無乃衣
冠代惜哉碑字剝似受斧斤芥史藁與志異吾欲攻諸
碑前者梅榮定文武見梗概同時萬太傅率子犯賊械
與侯相輝暎侯氣益偉邁我遊柏冬日肅肅下馬拜偶
及笄橋事吾友發深慨

同遊者梅伯言郎
中與榮定同族

歸展侯大書

素壁倒金薤

今年正月初得侯書楹帖於厥肆其文云畫
眉客夢花生筆詠絮人歸月滿樓可想見

其風
調也

題郭蘭石大理詩冊

醉來搖筆醒來驚腕力心光結撰成書自顏行出蒼秀
詩從杜律得縱橫 禁中方獎元才子天上偏呼石曼卿
卿畢竟前賢無此遇九遷三召問蒼生

甘載郎當笑郭郎詩天月地恣飛揚東夷挾寶求珍翰
西蜀焚香拜講堂四海墨花霑几席九河情淚灑篇章
何人爲訂名山業此冊應同瓠本藏

黃衣題鮑馨山母謝太君課子圖

天而合韻

姊把金針弟簡編九秋風雨徧鐙前須知節母心多苦
一似蘭膏徹夜煎

漸看頭角玉堂僊又說文章萬選錢兒日有聞親日喜

程侍郎遺集 卷四

九

龍喜齋

最難增益是親年

韋家紗幔匆匆撤鮑氏花驄步步工五色絲言風木裏

一篇瀧表淚痕中

我亦孤悽賴母憐折筭晝荻度霜天而今賸有牽衣夢

哭倒青山又七年

此冊惠同本

西蜀兩次過碧落洞皆未果遊作此

追錄壬辰粵東作

碧瀾寸寸皆秋色慕此羽容非一年周說到難蘇說易

我今真賦到難篇

積餘感舊三首

禁中

酒來詩畢子廉

鐔

火色重瞳大呂聲行文亦麗亦縱橫詩心直接陳芳國
才氣幾同禰正平八說疏狂多異態我憐直諫夏深情
遺篇漸逐西風散得一毫芒盡可驚

汪衡齋

萊

鄭鄉以外無餘學守故而還此後身口誦六經兼注疏

心通九變貫天人靈臺大衍參相訂

以優貢入都與脩天文志

海島

重差一再伸

受河督聘至河工測量

每到清風憶元度秀髭玉頰

最丰神

凌仲子先生

廷堪

論史滔滔傾俗耳窮經娓娓動天心禮經難讀偏能讀

程侍郎遺集

卷四

三

龍喜齋

古樂誰尋塊獨尋鞞悅六朝花十色秣糠兩宋帚千金
一瓢許酌滄江水記得山堂語夜深

卽事一絕

荷澀雨纖珠疊疊柳長風軟綫搓搓窺魚白鷺先藏影
避雀蒼蜩屢易柯

題劉默園觀察永潮圖

靈胥欲就海若戲素車白馬橫江來豈知蓬背倚曾閔

單身折入銀山堆海童驚呼御駟掬雙足躄人如踏鬣

萊衣拜親親歎絕齋待江波兩衫袖忠信錯軀行水中

瞿塘忽近緣庾公孝子跬步無死地何況高堂禱佛聲

隆隆我渡胥江在秋杪幾被枚乘筆頭掃歸來談虎詫
奇變月白雷青天

蕉雲二兄以盆桂見餉作此奉謝

誰將月窟閻浮影送入江南船越風贈我兩株猶旖旎
環君八樹正玲瓏潞子峰煙隨香至寶藏雲泉與夢通
聞道公餘親課士崑山片玉在堂東

題王覺斯爲宋雨恭續枯蘭復生圖

蘭枯不生蘭自昌蘭枯復生蘭更芳東風駐世長不死
但有歲月無滄桑識時務者推文康首議廟諡尊思皇
薦賢薄賦二三策口講手畫身琅琅堯仁舜智領其

程侍郎遺集

卷四

五

菴喜齋

請浩乎仁氣春飛揚宜其子姓聯冠裳園林艸木爭輝
光混芟九地飽雨露華葉一夕回風霜燕山夢醒聞國
香酒酣磅礴烏衣王縱橫沈著各有態直以艸聖兼詩
狂丹青果屬右丞相名德仍作中書郎吁嗟乎名德仍
作中書郎所南子固徒悲傷

送向三賢弟歸里並呈東壁賢弟

家學卿雲麗才名庾鮑新道深虛折已氣靜藹親人風
雪浸歸袖賓朋繞塾巾鴿原相聚處輓語話艱年
不索胡奴米須依心蓮舊香猶裊裊瘦鶴愈翩翩萬
感門材後千秋几研前機雲應入洛看取著先鞭

金家香衙門庑

才名少小誇燕賞新篇飛墨雨

指揮能事落天花

杜句云指揮能事回天地唐句云指揮如意天花落君時以指揮需次故拈此一剗肉已通神理三折肱能球結痕見說隆冬松

調之

轉茂南枝郢樹門橫

題汪受之處士義烈事應寫園同年屬

弟返餘僊蛻兄歸亦國殤有膚成刻劃其血灑元黃賊

創避三舍君威藩一鄉至今風雨夜甲馬繞張塘

弟出重圍兄呼弟不知直教魂共語依舊手相持保

障烏聊接聯壽馬革危文孫青史筆雪涕補遺碑

程侍郎遺集

卷四

三 楚喜齋

臺花圖卷為沈聽篁編修題

漁父竹嶼兵氛靖賢守排衙對天鏡東風一夕萬花開

不管人閒醉司命

當時除夕萬花齊放

綠衣公子裁錦箋惜春御

史催花筵不須翦綵貼奇樹自有頃刻爭神仙萬家爆

竹雷闐闐花光紅徧東南天詩成畫畢流賸馥波瀾直

到雞林前卽今將帥乘雪夜桐鏡到處壺漿迓

時臺灣正用兵

已得

合歡釀熟送年光定有秋花壓春架

番人以黍熟釀酒合歡為

年

阿文勤五使

恭題一冊煦齋師見之以為家寶遂書一冊易

之師文恭猶子也

文恭詩翰真吉光，以六丁下取將大阮琴聲小阮識。
片紙隻字俱收藏，文勤數使西蓋馬欲揜對盧作羣雅。
名卿上相盡有詩一卷，牛腰走都下文恭題句明珠編。
我師讀之喜欲顛，急書一冊易其寶，神妙直壓王羊前。
況師龍節履成鏡，玉兒宮袍發高詠，乞詩乞札徧東國。
後月前潮兩輝映，文恭手澤欣弓還，我師寶翰增舊觀。
誰歟彙作鳳墅帖，副墨海外兼名山。鳳墅帖乃曾宏父所集多一時名卿

和賢

漸冉

程侍郎遺集

卷四

七

覺喜齋

漸冉春如許，輕寒勒不歸。風隨錫管轉，月傍紙鳶飛。奇石無一語，喬松今十圍。九衢鐙火夜，衰病夢魂非。

春寒

沼雪莽沈沈，林煙又閣陰。勒回春雉口，寒到蟄蟲心。敲枕人人靜，焚香牖牖深。輪蹄如水去，容得幾閒吟。

統如曲

統如四鼓華堂開，玉簫金管仍分排。殘羹飮座椽燭灰，美人強曳羅裾來。欲彈不彈箏柱哀，欲飲不飲玉山頹。不敢臨鏡雙徘徊，紅全褪紅玫瑰。四座鼯卧聲春雷，觀者且舞且却回。明日落花紅作堆。

雨後聞鶯

花外雨絲晴樓西過
笙不憑鸚鵡舌自得鳳皇聲
順耳珠珠轉乘時瑣瑣鳴
鶯儻教桑黓熟拚使柳枝傾

殘月吟

癸巳四月望後作

黑者古鏡白者鈎欲墮不墮
天西頭山河影缺桂花小
歸妹鬻鬻目眇眇衆星的矚
各爭光何況長庚葦如埽
埽月月已殘雞鳴烏噪銀
河漉朱樓采伴拜夜闌尙祝
三五明團團

有馴者鹿四章章八句

有馴者鹿躡艸飲流其卧衍衍
其行儻儻風雨如晦或

程侍郎遺集

卷四

三四

聖喜齋

見或不意其曷往乃潛灌蕭
狎人循闥雙貉疑月疾
呼弗叱如石聿兀何斯妄游
豈爲飢渴忽被大創偃仆
水側旅麗其性背羣斯偃得
食不呼孰慕其儼舍安
就陆孰止其前禍樞昧蹈孰
毅其旋艸生叢叢有來
其風裴疾入林厥聲蓬蓬
圃人乃夢鹿由隍中謂予不
信往求丸蹤

祁幼章孝廉贈詩盛稱園居之樂卽步元韻奉荅

兼示令兄春浦閣學

官壺雨露三辰酒
扇松兒郎儲一斗
太君堂上會姻戚
自卯衍衍直到酉
紗厨靜愛槐楸合
水檻涼看鳧鴈醜

是時仙官初退直西母正憑朱鳥牖園居屢動九重

問佛樹何妨三宿久況當新雨生衆綠已見銀塘發紅
滿母曰毋久溷汝爲汝其勤慎報恩厚不離跬步阿

奴在進退渾如左右手君家昆季可謂孝譽滿京華萬
人口機雲自是文章伯軾轍奚殊直諒友樹頭啞啞返

哺烏室內嫋嫋乳姑婦新居堂廡極華潔不似藤廳漸
傾朽我傍山坳縛荻障風雨漂搖聊且苟昔年亦奉板

輿至彈指斜陽感衰柳西鄰君況我所敬功名屨屐不
先後君才英特我所拜行見長風萬里走每當朗月憶

元度俯仰抑讓相人偶爾來瓢棄謝酒徒坐卧禪關一
程侍郎遺集卷四

五

楚喜齋

鐙守太君興發忽來止君定揚眉撫馬首平鋪紅雲蓋
明鏡鏡中天地君知否不然往喫茅容饌看取盆池集

瓶瓶

君新居
有小池

謝人惠新會橙

嶺南二果天下奇粵惟新橙鮮荔支荔如好女澡秋月

雪白花紅沁肌骨橙如名士中粹温美言悅耳香悅魂
我坐炎雲倍惆悵荔已曝乾橙未上妙才異地不同時

夢寐芳馨曾見之風吹削柿斂虛牖漉漉黃苞馥沾手
冰霜遜冷蜜遜甘腴而不膩清而酣潤回太真三伏暘

療得相如十年渴何當酒醒帕羅開玉人纖指親拈來

可憐萬里得此果擲向潘懷奚不可神奇腐敗同一車
大摘小揀青霜餘 天家不貴紅塵騎橘叟木奴沿故
事拚將俊味押綱茶豈無相公忠孝家熊魚並好應嘲
我尙憶紅雲三百顆

程侍郎遺集

卷四

羊六

楚喜齋



05348

